

FANAMBADIANA SY

FISARAHAM-PANAMBADIANA

♪ Ndao isika hanondrika ny lohantsika ankehitriny mba hivavaka vetylity. Ray Mpiahy indrindra, misaotra Anao izahay izao maraina izao ho an'ity tombontsoa amin'ny mahaeto amin'ity efitranobe ity, manatrika an'izay avoakan'ny androany. Fa tsy fantatray izay hazonin'ny androany, saingy fantatray kosa Ilay mihazona ny androany. Noho izany dia mivavaka izahay mba Ianao Izay mihazona ny anio sy ampitso, ary ny Mandrakizay rehetra, no hitahy anay anio raha mivory miaraka amin'ny Anarany izahay, mba hahafahanay hahafantatra bebe kokoa hoe ahoana no hainana hanompoana Azy. Izao no fikasanay feno, Ray. Andriamanitra, Izay mahafantatra ny fonay rehetra, mahafantatra fa izany no marina. Apetrakay Amino ny tenanay, miaraka amin'ny—amin'ny ampanhan'ny andro ho avy, ho an'ny Asanao, amin'ny Anaran'i Jesosy Kristy. Amena.

Mahazoa toerana.

² [Miresaka amin'ny olona eo amin'ny lampihazo Rahalahy Branham—Mpand.] Misaotra anao. Inty misy anankiray hafa eto.

³ Manao ahoana, ny mpihaino hita maso sy ny mpihaino tsy hita maso manerana ny firenena izay mifandray izao maraina izao. Ity dia manome ahy tombontsoa lehibe iray ho tonga eto ary hiresaka izao maraina izao eo amin'ity lohahevitra iankinan'ny aina ity. Ho an'ilay mpihaino hita maso, dia fifanjevoana kely tokoa ilay izy, satria eo anoloako mihitsy dia misy lamban'efitra, noho izany dia tsy maintsy miresaka ho an'ny ato ankavanana sy ho an'ny ato ankavia aho. Ary ho an'ilay mpihaino tsy hita maso, dia manana efitranobe aho ato amin'ny ankavanako, ary kianjabe ihany koa ato amin'ny ankaviako; ary izaho dia eo amin'ny rihana, miaraka amin'ireo lamban'efitra misokatra manelanelana, izany hoe ny havanako sy ny haviako. Ary tafahoatra isika, izao maraina izao, eto amin'ny efitranobe, ny kianjabe koa, ary ny fiangonana koa, ny fiangonana eto amin'ny Lâlana Fahavalox sy Penn. Ary any amin'ireo toerana fanampiny, dia ny fifandraisana an-telefona no mampita an'ilay izy any amin'ireo toeran-kafa.

⁴ Nanana fotoana goavana anankiray tao amin'ny Tompo isika, ary eo ambanin'ny fiandrasana lehibe isika ho an'ny fivoriana izao maraina izao. Ary ankehitriny anio hariva no fotoana fifaranan'ireo asam-pitoriana efatra andro, nahoana,

dia asaintsika tokoa ny rehetra, izay afaka, mba ho eto. Matoky isika fa ny Tompo dia hanome antsika famaranana lehibe iray anio hariva amin'ny fanaovana zavatra tena mahagaga tokoa, amin'ny Hanasitranany ny marary rehetra sy hanao an'ireo zavatra lehibe izay Ataony matetika. Ary eo ambanin'ny fiandrasana lehibe isika ho an'ny rahariva. Asaina am-pitiavana ny be sy ny maro, ny olona rehetra, ny fiangonana rehetra avy amin'ny anaram-piangonana rehetra. Tsy voatery ho Kristiana iray akory aza ianareo; miantso tanteraka ny mpanota izahay mba ho tonga, hipetraka eo anivonay. Ary ataonay izay tsara indrindra aminay mba hampianatra azy ireny ny amin'ny lalan'ny Tompo, mba hahafahantsika ho velona.

⁵ Ankehitriny dia manantena aho fa tsy ho reraka ny mpihaino. Ary matoky an'Andriamanitra aho fa tsy ho reraka, satria nanana alina anankiray goavana aho, fisintonana betsaka. Fa fantatro fa ireo zavatra izay lazaiko amin'izao maraina izao dia ho tehirizina ho ahy amin'ny Andron'ny Fitsarana, ary izaho—izaho tsy nahita tory, ary fantattro fa raha tsy milaza an'izy ireo aho dia ho tehirizina ho ahy izany amin'ny Andron'ny Fitsarana. Koa izay ilay mahasarotra azy, tsy hainareo hazavaina izany.

⁶ Ary ankehitriny izao maraina izao dia misy an'ity lohahevitra lehibe ity izay hiresahantsika ny amin'ny *Fanambadiana Sy Fisaraham-panambadiana*. Ary ny antony nanaovako azy ho sekoly Alahady, dia ny mba hahafahantsika hiresaka azy sy hakana ny fotoanantsika, raha tokony hitory toriteny iray mikasika an'izany. Fampianarana iray avy ao amin'ny Soratra izany.

⁷ Ary izaho—izaho dia te-hilaza an'izao, raha misy ny mpitoriteny na ireo mpitoriteny, na aiza na aiza, banana an'ity horonam-peo ity ho tonga eny an-tànany, raha mamoaka an'ity horonam-peo ity izahay. Tsy fantattro izay hataon'ny fiangonana mikasika azy. Nangataka an-dRahalahy Fred aho mba hijery ny filan-kevity ny fiangonana mialohan'ny hamoahana an'ity horonam-peo ity. Ary ho anareo vahoaka manerana ny firenena, izay hanao ny fandraisam-peo, azafady aza avoaka ilay horonam-peo raha tsy efa mandre avy amin-dRahalahy Sothmann ny mikasika an'izany ianareo.

⁸ Ankehitriny, ary rehefa avela hivoaka izany, ka ny iray amin'ireo rahalahiko mpitoriteny, na ny Kristiana iray any ho any, no tsy hanaiky an'ireo zavatra izay ho lazaiko mikasika an'ity lohahevitra ity, izaho—izaho dia matoky fa tsy hanakiana an'Izany ianareo. Raha tsy azonareo Izany amin'ny fomba ampianaroko Azy, eny, dia manana zo amin'izany ianareo, amin'ny maha-mpitoriteny, amin'ny maha-mpiandry ondry. Ary izaho dia mankatoa ny zavatra rehetra izay inoanareo.

⁹ Ary misy sekoly lehibe anankiroa eo amin'ity. Ary raha misy fanontaniana anankiroa, dia na ny anankiray amin'izy ireo no tsy maintsy ho marina, na tsy misy marina izy ireo na ny iray aza. Noho izany dia hiezaka hijery ny Tenin'Andriamanitra isika, izao maraina izao, mba handamina an'izany. Ho ahy, raha fanontaniana ara-Baiboly ilay izy, dia azo antoka fa ny Baiboly no manana ny valiny ho an'izany.

¹⁰ Ary ankehitriny mialoha indrindra ny hananantsika an'ireo, hanombohana an'ity lohahevitra ity, raha ny marina, mialohan'ny hivavahako ho an'ny Teny, dia tiako ny haneho amin'ny tsirairay avy aminareo, fa izaho...indrindra ianareeo Kristiana, fa izaho dia maniry...izaho—izaho dia mila anareeo mba hivavaka ho ahy izao maraina izao. Ary ny rehetra any ivelany any amin'ilay mpihaino tsy hita maso izay mihaino izao maraina izao, mivavaha ho ahy, satria te-hahitsy fo sy ho marina aho.

¹¹ Ankehitriny dia mahalala isika, amin'ny fanaovana an'ireto fanambarana ireto, dia hisy olona, raha misy olona anankiray fotsiny, hifikitra amin'Izany toy ny hoe eo anelanelan'ny fiainana sy fahafatesana Izany. Hisy maro aminareo eto no handeha ka hino. Mazava ho azy, fa maro aminareo, angamba, no tsy hino. Fa fantatro, ao amin'ny asam-panompoako, fa misy olona izay ho avy hihaino ahy, sy hihaino izay ho lazaiko; avy amin'ny, eny, mipetraka eto mihitsy izy ireo izao maraina izao, isam-pirenena, avy amin'ny maro an'i Etazonia, Canada, ary any am-pitan-dranomasina. Ary azonareo eritreretina ilay fisintonana izay hametrahan'izany anareo, mba hahafantatra fa ilay fitodiana Mandrakizay an'ny olona dia mandry eo an-tananareo, satria dia hifikitra eo amin'izay lazainareo izy. Koa hanao ahy hamaly amin'izany Andriamanitra, ary te-hanatona an'ity tena amin-kitsim-po arak'izay azoko atao mihitsy aho.

¹² Ankehitriny izaho—izaho dia mangataka amin'ireo anabavintsika. Ary nanova ny sasany tamin'ireo teniko aho mba hahafahako miresaka an'ilay izy eo anatrehan'izy ireo. Billy dia manana ao anatin'ny paosiny, izao maraina izao, any, an'ireo zavatra sasany izay tsy tokony ho lazaina eo anatrehan'ny—ny mpihaino mifangaro anankiray. Ary ny sasany izay ho lazaiko angamba, dia tsy maintsy ho azonareo. Raiso ilay izy ho toy ny avy amin'ny—avy amin'ny rahalahinareo, amin'ny tsara indrindra izay fantatro. Raha nipetraka tao anatin'ny biraon'ny dokotera iray ianareo ka nihaino azy, dia tsy maintsy niteny taminareo tamin'ny teny tena mazava izy. Ary ny sasany aminareo ramatoa tanora sy lehilahy tanora, tsy tiako hanana hevitra diso ianareo. Tiako ianareo hino, ary hipetraka tsara fotsiny. Tsarovy, ny Fahamarinana dia tsy maintsy hambara ho Fahamarinana.

¹³ Ary, ankehitriny, tsy isalasalana fa maro aminareo no tsy hanaiky amin'izay ho voalaza, saingy tiako ny hanaporofo

an'izany aminareo amin'ny alàlan'ny Baiboly. Ary amin'izay fotoana izay dia mino aho, fa raha hanaja fotsiny sy hihaino ianareo, dia hahazo fahalalana sy fiheverana tsara kokoa ianareo ny amin'izay novelesiko, hatramin'izay. Mino aho fa ity no hanazava an'izany, ary matoky aho fa hanazava izany.

¹⁴ Ankehitriny mety ho lava kely isika, ora iray sy sasany, na mihoatra angamba, eo amin'ity. Tsy fantattro hoe adiny firy no haharetany.

¹⁵ Ary ankehitriny indray, dia tiako ny hilaza fa, amin'izao fotoana izao, fa, amin'ny fahafantarana fa ny olona dia mifikitra eo amin'ny teninareo; mifikitra izy ireo, eo amin'ny pasiterany. Ary, mazava ho azy, efa pasitera aho.

¹⁶ Ary mifikitra ao amin'ny tenin'ny pasitera izy ireo, toy ny hoe eo anelanelan'ny fahafatesana sy ny fiaianana mihitsy ilay izy. Mifikitra eo amin'ny tenin'ny pretrany izy ireo, toy ny hoe eo anelanelan'ny fahafatesana sy fiaianana mihitsy ilay izy. Ary mazava ho azy, ilay pasitera, angamba miaraka amin'izay rehetra fantany fa hanaovana azy, dia mampianatra ny olony tahaka ny nampianarana azy tany amin'ny seminera tanteraka mihitsy izy; tsy isalasalana fa ilay pretra dia izany, ihany koa, tany amin'ireo fivavahana samihafa izay manana pretra. Mazava ho azy, ny pasitera dia tena pretra iray; mpanelanelana iray izy. Noho izany, raha ilay pretra, ao amin'izay rehetra nampianarana azy tao amin'ny azy, tao amin'ireo seminera sy monastera, ilay lehilahy miaraka tamin'ny fahatsoram-po lalina dia milaza tanteraka mihitsy an'izay nampianarina azy.

¹⁷ Eny, noho izany, izaho dia tsy mba nanana fahatsapan'ny seminera mihitsy na fahatsapan'ny monastera, ary tsy misy na inona na inona anoherako an'izany mihitsy, saingy manana fiaianana tena hafahafaha anankiray kosa aho.

¹⁸ Izaho dia efa voaantsso fony aho mbola vao zazalahy kely iray. Ary tao anatin'izany dia nisy famantarana iray hita maso, azo norenesina izay nomena ahy, ny—ny Andry Afo iray no nihantona tao amin'ny kirihitra iray, teo amin'ny fahafito taona, teto mihitsy teo amin'ny Utica Pike. Ny raiko dia niasa ho an'Atoa. O. H. Wathen izay maty vao haingana mihitsy. Ary namaky an'ilay boky ianareo, fantatrareo ny tantara. Ary nanomboka tamin'io fotoana io... Teo amin'ilay renirano tamin'izany fotoana izany dia niseho ho hita maso teo anatrehan'ny olona Izany. Ary ankehitriny dia azo sary Izany, matetika, ary mihantona ao Washington izany, D.C., ho tsy azo adika anankiray, ao amin'ny Religious Hall of Art, ho Vatana ivelan'ny voajanahary tokana izay hany voaporofo ara-tsiansa fa nalaina sary; ilay Andry Afo mitovy, amin'ny endrika mitovy tanteraka sy ny lafiny rehetra, izay namoaka an'Isiraely tao Egypta. Mino aho fa Izany no Jesosy Kristy ao amin'ny endrika Fanahy, ao amin'ilay maha-Zanak'Andriamanitra.

¹⁹ Fa Izy dia nantsoina hoe “Zanak’olona” rehefa tonga voalohany Izy, ankehitriny Izy dia antsoina hoe “Zanak’Andriamanitra,” ao amin’ny Arivo taona Izy dia ho “Zanak’i Davida.” Tonga Izy ho Zanak’olona, Mpaminany iray, araka ny nilazana Azy; ankehitriny dia Zanak’Andriamanitra Izy, ao amin’ny ivelan’ny voajanahary; ao amin’ilay Arivo taona lehibe izay ho avy, dia ho Zanak’i Davida Izy, mipetraka eo amin’ny sezamian’ny fiandrianan’i Davida. Araka ny fantatr’ireo mpamaky Baiboly rehetra fa izany no teny fikasana Masina iray tamin’Andriamanitra, ho an’i Davida, fa Izy dia hanangana ny Zanany hipetraka eo amin’ny sezamian’ny fiandrianan’i.

²⁰ Ary ankehitriny ao amin’ny asam-panompoana miavaka iray, hafahafa, dia antsoina amin’ny zavatra rehetra aho manomboka amin’ny hoe “Andriamanitra” ka hatrany amin’ny hoe “devoly iray.” Ary izany, dia tahaka an’izany foana ilay izy.

²¹ Izany no nolazain’ity arsevekan’ny fiangonana Katolika iray ity tamiko indray hariva tany, ilay ady hevitra dia, izy no nanao hoe, “Rahalahy Branham, i Jaona Mpanao-batisa dia nanondro mazava ny tenany ao amin’ny Soratra, araka an’izay voalazan’i Isaia mpaminany.” Hoy izy hoe, “Ny asam-panompoanao dia voatondro mazava ao amin’ilay Fiangonana.” Hoy izy hoe, “Ireo Loterana dia ao anatin’ny Baiboly.” Hoy izy hoe, “Ireo Loterana dia nahafantatra an’i Lotera. Ireo Wesleys dia mahafantatra an’i Wesley. Fa ahoana ny amin’ireo Pentekotista?” Hoy izy, “Mirenireny izy ireo. Tsy fantatr’izy ireo izay haleha.”

Ary hoy aho hoe, “Tompokolahy, mankasitraka an’izany aho.”

²² Ary izany dia tamin’ilay fotoana izay nilatsahan’ny Fanahy teo amin’ilay ramatoa, izay tsy nahita ahy mihitsy, ny vadiny . . . ary niteny sy nanondro an’ireo zavatra mitovy.

²³ Ankehitriny, mba hahitsy fo, eo anoloan’ity Hafatra izay lazaiko amin’izao maraina izao ity, tsy fantattro. Niteny taminy aho, hoy aho hoe, “Tompokolahy, tsy azoko lazaina izany. Zavatra goavana be anankiray ho lazaina izany. Toa tahaka an’izany ilay izy.”

²⁴ Ny zavatra tokana izay fantattro, dia misy zavatra izay niseho, tena azo antoka. Ireo zavatra rehetra ireo, izao fotsiny, izany dia voaporofa ara-tsiansa, ary voaporofa manerana sy manerana an’izao tontolo izao, tsy mety ho angano iray mihitsy izany. Ny Fahamarinana izany. Inona izany? Mamelà ahy hilaza, am-pahatsorana, alohan’ny hiresahako aminareo izao maraina izao, tsy fantattro. Ary tsy ho sahy hanao hetsika iray mihitsy aho raha tsy efa nandre avy Taminy izay niresaka tamiko tany aloha sy nilaza tamiko an’ireo zavatra ireo.

²⁵ Tsarovy, fa Jesosy Kristy Tompontsika dia tsy nanondro ny Tenany mihitsy ho ny Zanak’Andriamanitra. Hoy Izy hoe, “Ianao

no nilaza fa izany Aho; ho an'izany no Nahaterahako," sy ny sisa, fa tsy nanondro ny Tenany mihitsy Izzy.

²⁶ Ary, ankehitriny, io ilay Andry Afo izay nitarika an'ireo zanak'Isirael, dia ny Tompo Jesosy Kristy tao amin'ny endrika Fanahy, (mino an'izany ve ianareo?), ilay Logos izay nivoaka avy tamin'Andriamanitra. [Hoy ny fiangonana hoe, "Amena."—Mpand.]

²⁷ Ary avy eo rehefa teto an-tany Izzy, dia hoy Izzy hoe, "Avy tamin'Andriamanitra Aho, ary ho any amin'Andriamanitra Aho." Isika rehetra dia mahafantatra an'izany.

²⁸ Ary taorian'ny Fahafatesany, fandevenany, ary ny fitsanganany. Nandeha teny amin'ny lâlany ho any Damaskosy i Saoly avy any Tarsisy, mba hanenjika an'ireo—ireo Kristiana, satria izy ireo dia nampianatra an'ireo zavatra nifanohitra tamin'izay nampianarina azy. Ary mpiady lehibe iray izy; teo ambanin'i Gamaliela, anankiray tamin'ireo mpampianatra fanta-daza tamin'izany andro izany, tao amin'ireo sekoliny, ireo monasterany; ary lehilahy malaza iray, ary manam-pahefana iray an'ny fiangonana. Ary teo ilay Hazavana lehibe, ny Andry Afo indray, nanjera azy, teo amin'ilay fisassahan'ny andro. Ary hoy ny Feo anankiray hoe, "Saoly, Saoly, nahoana no manenjika Ahy ianao?"

²⁹ Ankehitriny raha voamarikareo fa i Paoly, i Saoly, rehefa nitsangana, dia hoy izy hoe, "Tompo, Iza moa Ianao?" Ankehitriny, io zazalahy io, izay Jiosy iray, dia azo antoka fa tsy hiantso zavatra anankiray mihitsy, raha tsy efa zavatra naneho an'Andriamanitra ilay izy, dia tsy hiantso an'izany izy hoe "Tompo." Noho izany, dia ilay Andry Afo tsy miova Izany.

³⁰ Tahaka ny nolazain'i Jesosy hoe, "Ho any amin'Andriamanitra Aho. Avy tamin'Andriamanitra Aho, ary hiverina any amin'Andriamanitra Aho."

³¹ Teo Izzy, niverina tao amin'ilay endrika Andry Afo anankiray indray; hoy Izzy hoe, "Izaho no Jesosy Izay enjehinao; ary sarotra ho anao ny hanipaka an'ireo fanindronana."

³² Ary fantatsika fa rehefa ny Apostoly Petera, izay nomena an'ireo fanalahidy hanorenana ny Fiangonana, dia hitantsika fa tao an-tranomaizina izy, ary io Andry Afo io ihany no nanivatsiva an'ireo fefy, nanokatra an'ireo varavarany'ny tranomaizina, ary namoaka an'i Petera, tamim-pahagagana, tsy nanelingelina ny mpiambina akory aza. Ho ahy, dia Izany no Jesosy Kristy tsy miova omaly, anio, ary mandrakizay.

³³ Ary dia ho fantatrareo amin'ny natiorany foana ny zavatra rehetra. Ny zavatra rehetra dia fantatra amin'ny natiorany, ilay voa izay entiny. Ary mangataka aminareo aho mba handinika an'ilay karazan'ny voa izay Entiny, io Hazavana izay Andriamanitra io, satria miverina foana any amin'ny Tenin'Andriamanitra Izany, ary manaporofy ny

Tenin'Andriamanitra, mitory ny Tenin'Andriamanitra, ary Andriamanitra no manaporofo an'ilay Teny ho mivaingana eo anatrehanareo. Tsy maintsy misy zavatra ao ambadik'Izany.

³⁴ Ny olona dia miantso ahy ho mpaminany iray. Tsy miantso ny tenako ho mpaminany aho, satria tsy ho sahy hilaza an'izany aho, fa izaho dia manana... Atao hoe, izaho dia afaka milaza an'izao, hoe ny Tompo no mamela ahy hahita zavatra mialoha, hilaza zavatra izay nitranga, hitranga, izay mitranga, ary tsy mbola diso izany na dia indray mandeha aza, tamin'ireo an'aliny. Ny zavatra rehetra izay Nolazainy fa hitranga, dia nitranga. Isika rehetra dia mahafantatra an'izany. Raha misy olona iray ato amin'ity mpihaino hita maso ity izao maraina izao, na aiza na aiza, izay afaka hilaza fa efa diso indray mandeha izany, dia malalaka ianareo hitsangana sy hiteny an'izany. Fa raha ny olona rehetra kosa no mahafantatra fa isan'andro, tamin'ireo an'arivony, dia tena marina izany, dia manaova hoe, "amena." [Hoy ny fiangonana hoe, "Amena!"—Mpand.] Hitanareo? Noho izany dia ho zavatra mitovy izany manerana an'izao tontolo izao.

³⁵ Misy zavatra anankiray izay efa hitranga mihitsy. Andriamanitra dia tsy mandefa zavatra mihitsy ka tsy misy tanjona iray ao ambadik'izany.

³⁶ Nieritreritra an'izany mihitsy aho teto. Napetrako eto izany, iray amin'ireo naotiko. Izany no entiko izao maraina izao, bokotra roa an'ny tànan'akanjo... Ary maro aminareo no nandre ny amin'ity mpilalao sarimihetsika ity, Jane Russell, ary ny reniny dia Pentekotista iray; ary Danny Henry no anadahiny, anadahiny akaiky, zanaky ny rahavavin-dreniny. Batista izy. Nitsangana tao amin'ny fivoriana izy, fivoriana iray an'ny Business Men tany Los Angeles, California, roa tao lasa izay.

³⁷ Ary vao avy niresaka mihitsy aho ny amin'ny fanambarana lehibe iray, mahery, matanjaka; ka ilay mpanara-maso aza, iray amin'ireo mpanara-maso ambony an'ny Assemblées de Dieu, dia nidina teo amin'ny lampihazo avy tany amin'ilay ambony rihana izay nipetrahany, dia hoy izy hoe, "Tsy mino aho fa izany no tena tsindrian-dRahalahy Branham mafy."

³⁸ Hoy aho hoe, "Tsy maintsy manindry mafy an'izany aho, tompoko. Izany no HOY NY TOMPO HÖE." Ary, tamin'izany fotoana izany, dia mikasika ny fiangonana amin'izao taona izao ilay izy.

³⁹ Ary saiky tamin'izany fotoana izany, io tovolahy izay mpandraharaha anankiray io... Ny rahalahiny dia... teo izy naka sary ho an'ny televiziona tamin'io maraina io, ny rahalahiny dia-dia mpiandraikitra momba ny lalana ao California. Ary nandroso i Danny Henry rehefa nifarana ny fivoriana, teo amin'ny lampihazo, tahaka an'izao, izay nisy an'ireo lehilahy rehetra nipetraka, nandroso nametraka ny sandriny nanodidina ahy. Ary ireto teny ireto no nolazainy,

“Rahalahy Branham, antenaiko fa tsy ho famingavingana izao, saingy,” hoy izy, “azo hatao ho toko faha-23-n’ny Apokalypsy izao.” Fa, toko roa ambin’ny roapolo ihany no misy ao amin’ny Apokalypsy. Hoy izy hoe, “Antenaiko fa tsy ho famingavingana izao.” Vao avy niteny an’izany izy . . . Ankehitriny, ilay zazalahy dia Batista iray, ary tsy nahafantatra na inona na inona mikasika ny ivelan’ny voajanahary. Niaraka tamin’ny sandriny nanodidina ahy, dia nanomboka niresaka tamin’ny fiteny tsy fantatra izy.

⁴⁰ Ary rehefa tapitra ny fitenenany tamin’ny fiteny tsy fantatra, dia nisy ma—matavy be anankiray, vehivavy mainty nipetraka teo anoloako teo mihitsy, nitsangana izy, nanao hoe, “Tsy mila fandikana izany.” Hoy izy hoe, “Avy any Shreveport aho, Louisiana, na, Baton Rouge, Louisiana.” Hoy izy, “Tena Frantsay mazava izany.”

⁴¹ Victor Le Doux, ilay lehilahy Frantsay, izay nipetraka teo ihany koa, dia nanao hoe, “Azo antoka, lehilahy Frantsay aho, ary tena Frantsay tanteraka tokoa izany.”

⁴² Hoy aho hoe, “Andraso iray minitra. *Ianao* soraty izay nolazainy, ary *ianao* soraty izay nolazainy, alohan’ny hilazanareo zavatra anankiray. Soraty izay lazainareo, ary ndao jerentsika ny naotinareo.” Ary dia nanoratra ny anankiray, ary nanoratra ilay anankiray hafa, ary tena nitovy hatramin’ny tsindrim-peo mihitsy aza ilay izy.

⁴³ Ary avy eo saiky tamin’izay fotoana izay mihitsy, rehefa nentiny ireo naoty, dia zazalahy tsara tarehy anankiray, tanora mena volo no nanatona avy tany aoriania. Fa, tsy nisy efitra ampy hipetrahany intsony; nitsangana teny aoriania izy. Nandroso izy, nanao hoe, “Iray minitra fotsiny, izaho dia te-hametraka naoty anankiray, ihany koa.” Hoy izy hoe, “Izaho dia mpandika teny Frantsay ho an’ny U.N., Firenena Mikambana.” Hoy izy hoe, “Te-hametraka ny naotiko aho.”

⁴⁴ Ary, indro, ireo naoty telo tena nitovy tanteraka, tamin’ny Frantsay. Ary izao no fomba amakiana azy. Ity dia ireo naoty azo tany am-piandohana, naoty azo teo no ho eo. Ity no naotin’i Danny, azy manokana, izay nataony tao anatin’ny paosiny. Mazava ho azy, fa izany dia nentina teo amin’ireo Christian Business Men, sy ny sisa.

*Satria nify ny lalan-tery ianao, ilay lalana sarotra
indrindra; nandeha tamin’ny safidinao manokana
ianao.*

*Nandray ny fanapahan-kevitra tsara sy marina ianao,
ary izany no Lèlako.*

*Noho izany fanapahan-kevitra lehibe izany,
ampahany iray lehibe an’ny Lanitra no hiandry anao.*

Fanapahan-kevitra lehibe anankiray toy ny inona no noraisinao!

Izany ihany no hanome sy hanatanteraka an'ilay fandresena goavana ao amin'ilay fitiavana Masina.

⁴⁵ Ankehitriny, nanao sonia ny anarany eto ilay lehilahy. “Ny filazana etsy ambony dia nadikan'i...avy tamin'ny faminanian'i Danny Henry ny amin-dRahalahy Branham, nomen'ny vavolombelona telo tao amin'ny trano fisotroan-kafe tao Los Angeles, California.”

⁴⁶ Ankehitriny, io tovolahy izay nanome an'io faminaniana io ihany, tsy nahafantatra an'izay nolazainy, dia tany Jerosalema teo amin'ny iray volana lasa izay. Nahazo tombontsoa nandeha tany izy ary—ary nandry teo amin'ny fasana izay nahafatesan'i Jesosy sy nilevenany. Ary noho izany raha mbola nandry teo izy, dia nilaza izy fa tonga tena tao an-tsainy mafy aho ary nanomboka nitomany izy. Hoy izy, “Tena sarotra tokoa ho andRahalahy Branham ny hijoro hanohitra an'izao tontolo izao sy ireo zavatra ireo, ary ny fiangonana rehetra!”

⁴⁷ Tahaka ny—ny nilazan'ny anankiray indray mandeha, ny amin'ilay anjaran'i Billy Graham, nanao hoe, “Afaka mahita an'i Billy Graham isika, satria ny fiangonana rehetra dia mikambana manohana azy. Mahita an'i Oral Roberts isika, ireo Pentekotista. Saingy ahoana no andraisantsika ny zavatra anankiray, rehefa mifanohitra amin'izay nampianarina ny olona Izany?” Andriamanitra izany.

⁴⁸ Ary, Danny, inona no ataony ho fanalana andro, manamboatra vato kely izy. Nandeha teny amin'izay nametrahana an'ilay Hazo fijaliana izy, eo amin'ilay nolazain'izy ireo fa mipetraka ao anaty vato ilay Hazo fijaliana. Tsy nisy olona nanodidina teo, noho izany dia naka silany kely iray tamin'ilay vato izy ary napetrany tao anatin'ny paosiny izany mba ho fahatsiarovana iray, nody izy ary nanao bokotra anankiroa an'ny tangan'akanjo avy tamin'izany ho ahy. Ary, tena mahagaga, rehefa nanao an'ireo izy, dia toy ny pentipentin-drà izy ireo. Ary eo afovoan'ny tsirairay amin'izy ireo, mitohy, dia misy lèlana, tery eo afovoan'izy roa. Ankehitriny izany dia mety fotsiny ho...Hitanareo, misy olona hafa mety tsy mahamarika an'ilay izy, saingy ho ahy dia famenor'ireo zavatra izay inoako izany. Mino aho fa ny zavatra rehetra dia manana dikany iray ny aminy.

⁴⁹ Ary ankehitriny, amin'izao fotoana izao, na inona na inona ananan'ny Tompo...Raha tsy izany ilay zavatra izay Naminaniany, ao amin'ny Malakia 4 sy ao amin'ny Lioka 17 ihany koa, ary Sorotra maro hafa fa hitranga amin'izao andro farany izao, dia afaka miteny an'izao aho eto am-pamaranana, izany no nametraka an'ilay fototra ho an'ny olona rehefa ho avy izy. Noho izany dia tena mankasitraka aho fa ilay Andriamanitra

Tsitoha, raha izay ilay izy, no namela ahy hanao zavatra kely anankiray, ao amin'ilay toerako izay tsy nianatra, mba haneho ny fankasitrahako ny Fitiovany ahy, ny fitiavako Azy, ary ny fitiavantsika ny olona.

⁵⁰ Noho izany, ao anatin'ny fahatsoram-po, no anatonako an'ity lohahevitra ity hoe *Fanambadiana Sy Fisarahanapanambadiana*. Andriamanitra anie hamindra fo amintsika rehetra.

⁵¹ Ary ankehitriny henoy tsara. Ary, ranabavy, aza mitsangana dia mivoaka; mipetraha tsara vetylity fotsiny. Ny rahalahy, manaova toy izany koa. Aza vonoina ny fitaovanareo any, ireo izay ao amin'ity fifandraisana ity. Aza manao an'izany. Mipetraha tsara fotsiny mandritry ny minitra vitsy, mandrapifaran'ity. Henoy tsara. Raha tsy manaiky ianareo, dia raiso ireo Soratra izay ampiasaiko, ary avy eo dia diniho am-bavaka tsara ixy ireny alohan'ny handraisananareo ny fanapahan-kevitrareo.

Andriamanitra, ampio izahay raha miezaka manatona an'ity lohahevitra ity.

⁵² Ankehitriny, mety ho lava kely ity. Tsy tiako ho ao anatin'ny fahamaikana ianareo. Ary makà fotsiny ny fotoanareo, isika rehetra, ary diniho ny Tenin'Andriamanitra, am-pahamarinana sy larina, arak'izay fantatsika handinihana Azy.

⁵³ Ndao isika hanomboka amin'ny Masindahy Matio, ny toko faha-19. Ary manomboka, heveriko fa, amin'ny andininy faha-8 an'ny toko faha-19, no iriako hanombohana. Afaka manomboka amin'ny faha-1 ihany koa aho, ary hamaky hatrany amin'ny andininy faha-8 an'ny toko faha-19.

⁵⁴ Ankehitriny, tsarovy, ireo zavatra izay lazaiko dia tsy maintsy avy ao amin'ny Tenin'Andriamanitra. Tsy mety ho ny hevitro manokana izany, satria ny hevitro dia tahaka ny an'ny olona hafa ihany. Fa tsy maintsy ao anatin'ny fitohizana izany miaraka amin'ny Tenin'Andriamanitra. Tsarovy, fa Andriamanitra dia mihazona ny zavatra rehetra ao anatin'ny fitohizana. Tsy miova mihitsy Izy. Izy no tsy miova omaly, anio, ary mandrakizay. Mino an'izany ve ianareo? [Hoy ny fiangonana hoe, "Amena."—Mpand.] Tsy miova Izy.

⁵⁵ Ankehitriny dia hamaky avy ao amin'ny andininy faha-19 aho.

Ary izao no niseho, fa rehefa vitan'i Jesosy ireo filazana ireo, dia niala tany Galilia izy, ary tonga tany amin'ny sisin'i Jodia an-dafin'i Jordana;

Ary nisy vahoaka betsaka nanaraka azy; ary nahasitrana azy ireo izy...

Nanatona azy koa ireo Fariseo, naka fanahy azy,...

⁵⁶ Mianto eo aho mba hahafahanareo mahazo an'ilay fanamafisana hoe iza ilay naka fanahy Azy.

...nanao taminy hoe, Araka ny lalàna ve raha ny lehilahy no mandroaka ny vadiny amin'ny antony rehetra?

Ary izy namaly ka nanao tamin'izy ireo hoe, Tsy mbola namaky ve ianareo, fa izay nahary azy ireo tany amin'ny voalohany dia nahary azy ireo ho lahy sy vavy,

Ary dia nanao hoe, Ary noho izany antony izany ny lehilahy dia handao ny ray...reny, ka hikambana amin'ny vadiny: dia ho nofo iray ihany izy roa?

Noho izany dia tsy roa intsony izy ireo, fa nofo iray ihany. Izay nampiraisin'Andriamanitra noho izany, dia aoka tsy hampisarahin'olona.

Hoy izy ireo taminy, Nahoana àry i Mosesy no nandidy hanome taratasy fisaoram-bady, ary... handroaka azy?

Ary hoy Izy taminy, noho ny hamafin'ny fonareo no namelan'i Mosesy anareo handroaka ny vadinareo: fa tamin'ny voalohany dia tsy mba toy izany.

Ankehitriny, Andriamanitra anie, hanampy antsika.

⁵⁷ Io Soratra io, io fanontaniana io, dia niatrika an'i Jesosy teo amin'ilay tena fiandohan'ny Asam-panompoany mihitsy. Ary niatrika an'i Mosesy teo amin'ilay tena fiandohan'ny asam-panompoany mihitsy izany. Io no fanontaniana voalohany indrindra ao am-pon'ireo mpino. Ny mpanota tsy miraharaha. Fa ho an'ireo mpino izany, satria ilay mpino dia miezaka ny hanao an'izay rehetra fantany mba hiainana mahitsy eo anatrehan'Andriamanitra. Noho izany, vao tonga ireo fanontaniana momba ny fivavahana, dia tonga ny mikasika ny *Fanambadiana Sy Fisaraham-panambadiana*, (nahoana?) satria izany no anton'ilay fahotana tany am-boalohany. Teo no nanombohan'ny fahotana. Ary izany no antony nitondrana azy foana, satria izany no tena fiandohan'ny fahotana.

⁵⁸ Ankehitriny dia tsy hanana fotoana hanazavana an'izany zavatra rehetra izany aho, fa ho faly aho hamaly ny taratasinareo na izay zavatra rehetra vitako. Na, manana an'ireo boky izay nanoratra ny amin'izany isika, sy fanontaniana maro, ary na dia ireo tapatapany avy amin'ireo gazety sy ny sisa eto ireo aza, mba hanaporofoana an'izany, fantatsika fa izany dia i Eva (Ilay paoma izay nolazainy fa nohaniny, izay tsy ara-tSoratra akory aza, ankehitriny dia lazain'izy ireo fa paiso iray ilay izy; tsy ny anankiray tamin'ireo mihitsy izany.), nijangajanga izy, izany no niteraka an'ilay zaza voalohany, dia i Kaina izany, zanak'i Satana manokana, satria ny ratsy no tao aminy. Tsy tonga avy tamin'i Abela izany. I Kaina dia zanak'i Satana manokana.

⁵⁹ Fantatro ny fanontanianareo ankehitriny, “Hoy Eva hoe, ‘Efa nahazo lehilahy avy tamin’ny Tompo aho.’” Tena marina tokoa izany.

⁶⁰ Afaka maka vehivavy ratsy fanahy indrindra eto antanàna ianareo, lehilahy ratsy indrindra; raha nahazo zazakely iray izy ireo, dia tsy maintsy avy tamin'ny Tompo izany, satria efa nametraka an'ireo lalàna Andriamanitra. Ary ireo lalàna ireo, tahaka ny masoandro mipoaka; mametraha ianareo tsipolitra anankiray ao anatin'ny saha tsara iray, fa hitsiry izy. Ary tsy maintsy mitsiry izy, satria izany no lalàna Andriamanitra. Rehefa ambolena ny voa, dia tsy maintsy mitsiry izy. Ary tsy misy na inona na inona mampitsiry aina afa-tsy Andriamanitra, satria izany dia miasa eo ambanin'ny Lalàny. Noho izany rehefa nambolena ilay ratsy tao ankibon'i-i Eva, dia tsy maintsy teraka izany, satria izany no lalàna Andriamanitra ny amin'ny famokarana. Ary tsy afaka manao zavatra hafa afa-tsy ny mamokatra izany, ary tsy maintsy avy tamin'Andriamanitra izany.

⁶¹ Izany no antony ilazan'ny olona hoe, “Ireo zazakely,” indraindray, “izay tsy teraka avy tamin'ny raiamandreny Kristiana, dia very.”

⁶² Ny Ràn'i Jesosy Kristy no manao fanavotana ho an'ilay ankizy, tsy ahoako na toy ny ahoana no nahaterahany sy ratsy toy ny ahoana no nahaterahany. Izy no Zanak'ondrin'Andriamanitra izay manaisotra ny fahotan'izao tontolo izao. Tsy afaka mibebaka ilay ankizy kely, satria tsy manana na inona na inona hibebahana izy, ary izany ilay fahotan'izao tontolo izao izay nesorina tamin'ny alàlan'ny Ràn'i Kristy. Mankany An-danitra ny zazakely.

⁶³ Io no fahotana tany am-boalohany, ary izany no antony izay—izay hametrahama-panontaniana aminy. Vao misy zavamahagaga lehibe avy amin'Andriamanitra, saiky ny zavatra voalohany dia hoe: “Ahoana ny amin'ny fanambadiana sy fisarahama-panambadiana?” Ankehitriny, tahaka ny isan'andro ihany, dia mbola fanontaniana iray eo anivon'ny olona foana izany. Tahaka ny tamin'ny andron'i Jesosy, tahaka ny tamin'ny andron'i Mosesy, dia toy izany foana ilay izy, ary mbola toy izany foana amin'izao andro izao, fanontaniana iray eo anivon'ny olona, satria ny olona dia te-hahafantatra hoe inona ny Fahamarinana.

⁶⁴ Fa eo amin'izay misy fanontaniana iray, dia eo ihany koa no tsy maintsy misy valiny iray. Ary ankehitriny mba ho valiny anankiray, tahaka ny nolazaiko tany aloha, tamin'ity herinandro ity, hoe tsy maintsy misy valiny marina anankiray. Ary raha manana valiny anankiray isika amin'ny zavatra rehetra, ka izany—izany dia tsy marina, amin'izay fotoana izay dia fantatsika fa diso ilay izy. Fa misy, hitohy hanontany foana ianareo mandra-pahavaly an'ilay tena fanontaniana, raha te-hahafantatra ny Fahamarinana ianareo. Ary satria fanontaniana ara-Baiboly ity, dia tsy maintsy ho valiny ara-Baiboly ilay izy.

⁶⁵ Izany dia tahaka ny efa voalazako, raha te-handeha ho any atsinanana aho izao maraina izao; ary ny tsara indrindra izay nahafantaroko an'izany, dia tsy maintsy mahita zavatra anankiray eny an-tsaha aho, ary izany dia any atsinanana avy hatrany, dia mandeha any atsinanana aho. Nisy olona anankiray nanao hoe, “Rahalahy Branham, *ity* no atsinanana.” Atsinanana izany, mety, saingy avaratra atsinanana ilay izy. Handalo fotsiny an'ilay tena zavatra tadiaviko aho; hiverina aho, fantatro fa diso ilay izy. Ary avy eo raha misy olona anankiray manao hoe, “Rahalahy Branham, mandehana amin’*ity* lèlana *ity*, eo amin’ny ankavananao.” Ankehitriny, izany dia mety ho ny atsinanana, ihany koa, saingy atsimo atsinanana ilay izy. Ho veriko ilay tena zavatra izay tadiaviko, satria lasa tany ankoatr’ireo fetran’ilay lèlana tanteraka sy mahitsy aho.

⁶⁶ Ankehitriny, raha izay ilay izy, dia manana sekolimpisainana isika eo amin’ny *Fanambadiana Sy Fisarahampanambadiana*. Ary izany dia, ny anankiray amin’izy ireo milaza, hoe, “Ny lehilahy iray dia indray mandeha ihany no mahazo manambady, mandra-pahafatin’ny vadiny.” Ary izany no anankiray amin’ireo fanontaniana, saingy, raha manaraka an’izany ianareo, dia lasa mihoatra ny fetra ianareo. Ary avy eo dia hoy ilay manaraka hoe, “Oh, raha ilay vehivavy na ilay lehilahy, na ny anankiray, no nijangajanga, ny anankiray amin’izy ireo dia azo roahina ary manambady indray.” Mahita ny tenanareo mihoatra ny fetra ianareo amin’izany.

⁶⁷ Noho izany, hitanareo, sady tsy atsimo atsinanana ilay izy no tsy avaratra atsinanana; ny atsinanana avy hatrany no tantsika. Tafavoaka ny Soratra ianareo raha mandeha amin’*ity* lèlana *ity*, tafavoaka ny Soratra ianareo raha mandeha amin’*itsy* lèlana *itsy*. Tantsika ny hahafantatra hoe aiza ny Soratra no mihaona amin’ny Soratra, sy hahafantatra ny Fahamarinan’izany. Ny tsirairay dia maka lèlana iray hafa, ary diso amin’ny fitondrana an'ilay valiny marina, saingy tsy maintsy mbola misy valiny anankiray foana.

⁶⁸ Izany dia tahaka ny, amin’izao andro izao, misy sekolin’ny foto-pampianarana lehibe anankiroa ao amin’ny fiagonana; ny anankiray amin’izy ireo dia ny Calvinisma, ny anankiray hafa dia ny Armen-... Armenianism. Ny anankiray amin’izy ireo dia mpanaraka lalàna, ny anankiray hafa dia ny fahasoavana. Ary dia hitantsika fa ireo olona izay mino ny fahasoavana, ireo Calvinista, dia hoy izy ireo hoe, “Isaorana Andriamanitra, tsy mampaninona ahy ny mifoka. Tsy mampaninona ahy ny misotro. Afaka manao an'ireo zavatra ireo aho, manana ny fiarovana Mandrakizay aho.” Avy eo dia hitantsika ilay ilany hafa, eo amin'ilay mpanaraka lalàna, nanao hoe, “Oh, te-hikiakiaka aminy aho, te-hampiseho aminy ny ampahany iray amin’ny fisainako aho, saingy, Kristiana iray aho, tsy maintsy mipetraka tsara aho.” Hitanareo, mahita ny tenanareo eo amin’ny lèlana

anankiroa samihafa ianareo, nefà na ny anankiray amin'izy ireoaza dia tsy marina. Ankehitriny, sarotra ny miteny an'izany, saingy izany no fahamarinana.

⁶⁹ Mahita ny tenantsika eo amin'ny lèlana anankiroa samihafa isika; ny anankiray mandeha amin'ny lèlana iray, ny anankiray any amin'ny hafa. Ankehitriny ndao jerentsika hoe inona ilay Fahamarinana.

⁷⁰ Ankehitriny henoy, ary jereo raha mety misy dikany aminareo izao. Ohatra, raha miomana ny handeha any am-pitan-dranomasina aho. Ary ho raisiko ny fianakaviako manokana. Hiantso ny vadiko hanketo amiko aho, ary hiteny aho hoe, "Isika dia han... handeha any am-pitan-dranomasina aho, ry malala." Ankehitriny dia inty ilay lafiny mpanaraka lalàna, "Ankehitriny, ry vadiko, dia hametraka lalàna ho anao aho! Raha misakaiza amin'ny lehilahy anankiray ianao rehefa lasa aho, rehefa miverina aho dia vehivavy nisara-bady anankiray ianao. Ary tsy tiako ho lava maso ianao, tsy tiako hisakaiza ianao! Azonao ve izany? Vadinao aho! Raha manao an'izany ianao, dia ho roahiko ianao rehefa miverina aho."

⁷¹ Avy eo dia handray sy hihazona ahy avy eo amin'ny karavatiko izy, ary hanao hoe, "Ry lehilahy tsarako, te-hiteny zavatra anankiray aminao aho, hitanao, hitanao, fa raha lava maso amin'ny vehivavy ianao, na maka vehivavy any, na misakaiza amin'ny vehivavy anankiray, dia ho lasa lehilahy nisara-bady anankiray ianao rehefa miverina." Ankehitriny, ho tokantrano sambatra ve izany? Izany ireo mpanaraka lalàna. Eny àry.

⁷² Ankehitriny, ilay lafiny iray hafa dia, hoe raha mandeha any am-pitan-dranomasina aho ka manao fahadisoana iray... Handeha aho ka hanao hoe, "Ankehitriny, jereo, hitondra an'ity vehivavy ity hivoaka aho. Oh, mety tsara izany amin'ny vadiko, tsy miraharaha izy." Hoy ny vadiko hoe, "Hivoaka hiaraka amin'ity lehilahy ity aho. Mety tsara izany amin'i Bill, tsy miraharaha izy." Raha tsy miraharaha aho, amin'izay fotoana izay dia misy zavatra tsy mety amiko; tsy tia marina an'ilay vehivavy aho. Ary raha tsy miraharaha izy, dia misy zavatra tsy mety aminy. Vadiko izy; tsy tiako hanadala azy ny lehilahy anankiray. Vadiko izy.

⁷³ Ankehitriny, ny fomba marina amin'izany, dia, izy roa ireo dia samy manana ny fahamarinana, saingy tsy ilay tena Fahamarinana marina.

⁷⁴ Ankehitriny rehefa mandeha any am-pitan-dranomasina aho, mba hanao an'ilay izy ho marina, manodidina ahy ny fianakaviako kely, ary mifampivavaka izahay. Ary mametraka azy ireo amin'Andriamanitra aho, ary izy ireo mametraka ahy amin'Andriamanitra. Ary rehefa manao an'izany izahay, dia mandeha any am-pitan-dranomasina izahay... Mandeha any

am-pitan-dranomasina aho. Ankehitriny, fantattro fa tia ahy izy; mahatoky azy aho. Ary tiako izy; mahatoky ahy izy. Raha mbola tiako tahaka an'izany foana izy, dia tsy manana ahiahy ny amiko izy hoe hitondra vehivavy anankiray hivoaka. Raha mbola tia ahy marina foana izy, nahoana, dia tsy ilaike ny hieritreritra lehilahy anankiray hivoaka hiaraka aminy, satria vadiko izy ary mino azy aho.

⁷⁵ Mino aho, fa raha tena nanao zavatra ratsy tokoa aho, nanao fahadisoana ka nivoaka niaraka tamin'ny vehivavy anankiray, ary miverina ka mibebaka an'izany aminy, ary miteny aminy hoe, "Meda, tsy niniako ny hanao an'izany. Tratry ny fandrika fotsiny aho; nihazakazaka nanatona ahy fotsiny io vehivavy io ary—ary nandray ahy tamin'ny sandry, ary nanomboka an'izao-sy-izao," dia mino aho fa hahazo izy. Mino aho fa hamela ahy ny amin'izany izy. Fa tsy hanao an'izany aho, na amin'inona na inona, satria tiako izy. Na dia hamela ahy aza izy, dia tsy hanao an'izany aho. Tsy handratra azy aho, na amin'inona na inona. Na dia fantattro aza fa hamela ahy ny amin'izany izy, dia tsy te-handratra azy aho.

⁷⁶ Ary izany no fanao miaraka amin'Andriamanitra. Raha izaho...raha ny fitiavana *fileo*, izay fitiavan'olombelona, fitiavan'ny fiombonana, no afaka manao lehilahy iray hahatsapa an'izany momba ny vadiny; dia ahoana ny amin'ny fitiavana *agape*, ny dikany amin'ny teny Grika dia "ny fitiavana an'Andriamanitra," ahoana no hampanaovin'izany ahy ny amin'i Jesosy Kristy? Izaho, raha mbola te-hanao an'izany foana aho, dia ao amin'ny foko ny hanao an'ilay izy! Na...Ataoko hoe, raha mbola ao amin'ny foko foana ny hanao an'ilay izy, dia handeha hanao an'ilay izy aho. Tsy hamela ahy hanao an'izany ny fanarahana lalàna, izany dia satria fantattro fa ho voasazy aho amin'ny fanaovana an'izany. Fa ilay tena Fahamarinan'izany dia, dia rehefa miditra ao am-ponareo ny fitiavana an'Andriamanitra hany ka *te-hanao an'ilay Izy ianareo*. Izany no Fahamarinan'ilay izy. Ireo ilay sekoly anankiroa. Tsy ny fanarahana lalàna na ilay hafa, na ny Kalvinisma, izy roa izany.

⁷⁷ Ankehitriny isika dia mahita amin'izao andro izao, ihany koa, fa misy anaram-piagonana samy hafa. Misy ny fiagonana Katolika, ny fiagonana Protestanta. Ny tsirairay avy amin'izy ireo dia samy milaza fa izy ireo no Lèlana, hitanareo, "Izahay no manana ny Lèlana, izahay no Fahamarinana." Misy ny Metodista, manao hoe, "Izahay no manana ny Fahamarinana." Hoy ny Batista hoe, "Izahay no manana ny Fahamarinana."

⁷⁸ Eny, ho ahy, raha mbola mahatsapa an'izany fomba izany foana izy ireo, dia tsy izy izany, satria hoy Jesosy hoe, "Izaho no Fahamarinana." Hitanareo?

⁷⁹ Noho izany, tahaka ny toriteniko omaly hariva, hoe Izy no toerana izay nametrahan'Andriamanitra ny Anarany, ilay

toerana tokana hanompoana. Tsy hoe Kristiana ianareo satria Protestanta iray ianareo. Tsy hoe Kristiana ianareo satria Katolika ianareo. Tsy hoe Kristiana ianareo satria Metodista ianareo, Batista, na Pentekotista. Kristiana ianareo satria natao batisa tao amin'i Jesosy Kristy ianareo, tamin'ny alàlan'ny Fanahy Masina, fa tsy tamin'ny alàlan'ny rano. "Iray ny Finoana; iray ny Tompo; iray ny batisa," izany hoe ny batisan'ny Fanahy Masina. Ny batisan'ny rano dia mampiditra anareo ao amin'ny fiombonana iray. Ny batisan'ny Fanahy Masina dia mampiditra anareo ao amin'i Kristy. Izany no Fahamarinana.

⁸⁰ Isika koa dia manana fisainana anankiroa ny amin'ity *Fanambadiana Sy Fisaraham-panambadiana* ity. Ankehitriny, fa, ny Tompontsika no nanokatra ny zava-miafin'ny Tombokase Fito ny amin'ny Teniny tamintsika, amin'izao andro farany izao. Ankehitriny, ny maro aminareo, dia mety ho Grika aminareo ity, saingy ny fiangonako dia mahazo azy. Amin'ny inona? Fa efa nandre ny amin'ireo fahitana ianareo sy izay niseho. Ary ilay fanontaniana dia fanontaniana ara-Baiboly, nasaina isika eto mba hino fa tsy maintsy misy valiny marina anankiray ao amin'ilay zava-miafina manontolo nafenina izay nafenina hatramin'ny fanorenana an'izao tontolo izao. Ary naminany ny Baiboly ka nilaza fa amin'izao andro izao no ho fantatra ireo zava-miafina ireo. Apokalypsy 10, "Fa amin'ny hitsofan'ny anjely fahafito, ilay iraka ao Laodikia, dia ho fantatra ireo zava-miafin'Andriamanitra ireo." Ary izao no taona farany, dia i Laodikia.

⁸¹ Jereo ireo fifohazana rehetra izay nitohy nandrity ny dimy ambin'ny folo taona na mihoatra, ary tsy nisy anaram-piagonana anankiray nivoaka avy tao. Nanana fifohazana iray i Lotera, niseho ny anaram-piagonana iray; Wesley, niseho ny anaram-piagonana iray; Alexander Campbell, niseho ny anaram-piagonana iray; ireo hafa lehibe rehetra ireo... John Smith sy ny sisa, anaram-piagonana, Moody, hatramin'ny farany. Saingy nisy anankiray... Matetika ny fifohazana iray dia maharitra eo amin'ny telo taona eo. Fa ity dia nandeha nihoatra ny dimy ambin'ny folo taona, ary tsy nisy anaram-piagonana anankiray nitsambikina avy tao, satria izao no fotoan'ny Voa. Tsy misy akofa intsony; rehefa lasa ny akofa iray, dia Voa ilay izy.

⁸² Vonona Andriamanitra, raha tsy manao an'izany Izy ankehitriny, dia hiantso Fiagonana iray Izy ho amin'ny fahatanterahana amin'ny alàlan'ny Teniny, Jesosy Kristy. Mariho, fa tsy maintsy misy valiny iray any ho any, ary satria Izany, ilay zava-miafin'Andriamanitra voaisy tombokase fito, ireo Tombokase Fito.

⁸³ Firy no mahazo an'izany, atsangano ny tènanareo. Ndao ho jerena. Heveriko fa ny maro amin'izy ireo dia fiangonantsika avy any amin'ny manodidina, henoy. Raha tsy izany, dia hivoaka tsy

ho ela ireo boky, eo amin'ilay lohahevitra. Manana boky isika, boky maromaro ny amin'Izany ankehitriny.

⁸⁴ Jesosy, ao amin'ny lahatenintsika, dia manasa antsika hiverina any amin'ny voalohany, ho an'ilay valiny marina aratSoratra.

⁸⁵ Ankehitriny, rehefa nifanatrika tamin'ity Izzy, dia nisy zavatra anankiroa hita. Hoy ireo mpisorona Taminy hoe, "Mahazo mandroaka ny vadiny ve ny lehilahy iray, manambady hafa, amin'ny antony rehetra?"

Dia hoy Jesosy hoe, "Tsy mba toy izany tamin'ny voalohany."

Avy eo dia hoy izy ireo hoe, "Namela anay hanao taratasy fisaoram-bady i Mosesy, ka handroaka azy amin'izay rehetra itiavany azy."

⁸⁶ Hoy Izzy hoe, "Izany, nanao an'izany i Mosesy noho ny," havelako vetivety io tsipika io, "noho ny hamafin'ny fonareo; fa hatramin'ny, na tany amin'ny voalohany dia tsy mba toy izany." Ilay fanontaniana!

⁸⁷ Ny fanontaniana amin'izao andro izao, ohatra ny amin'ny fandriampahaleman'izao tontolo izao, "Avy amin'ny politika ve izany, firaisan'ny firenena, miray?" Milaza aminareo aho hoe, tsia. Tsy nahomby foana izany, ary tsy hahomby indray izany. Fa mitoetra ny valiny marina iray amin'ilay fanontaniana hoe, "Hisy fandriampahalemana ve eto antany?" Eny, rehefa ho foana hiala amin'ny tany ny fahotana, dia hisy fandriampahalemana. Fa mandra-pahatongan'izany fotoana izany, dia tsy hisy fandriampahalemana; "hisy firenena hitsangana hanohitra firenena, ary fanjakana hanohitra fanjakana." Efa nanome fanafody ho an'ny fahotana Andriamanitra. Henoy tsara ankehitriny. Efa nanome fanafody hanafoana ny fahotana hiala amin'ny tany Andriamanitra, fa ny olon'ny tany dia tsy hanaiky ny fanafodin'Andriamanitra.

⁸⁸ Andriamanitra efa nanome antsika fanafody sy fomba hanambadiana ny vadintsika sy haina miaraka amin'izy ireny, saingy ny olona dia tsy hanaiky ny fanafodin'Andriamanitra, tsy hanaiky ny Teniny eo amin'izany. Jesosy no efa niteny an'izany. Ary izany dia mampahatsiahysantsika ny amin'ny—ny amin'ny Teniny, mahafantatra fa Izzy no nanao hoe, "Ny Lanitra sy ny tany ho diso, ho levona, fa ny Ahy tsy ho levona."

⁸⁹ Ilay fanontaniana, ilay valiny marina izay tian'i Jesosy hiverenantsika, dia ny hiverina any amin'ny voalohany. Noho izany, izany dia ho ao amin'ny Genesisy, satria ny teny hoe *Genesisy* dia tokon'ny voa ho an'ny fanontaniana rehetra ao amin'ny Baiboly. Ary tsy maintsy miverina foana amin'ilay voa ianareo mba hahitana hoe kazaraza voa inona no ao amin'ilay saha, mba hahita hoe ho inona ireo vokatrareo. Ankehitriny, karazana voa inona no nafafy? Genesisy, amin'ny maha-tokon'ny voa, dia hiverina amin'ny Genesisy isika.

Jesosy no mampiditra antsika ao amin'ilay Soratra hoe, "tany amin'ny voalohany." Ankehitriny, tsarovy, izany dia tamin'ny nanombohan'ny fotoana hiandoha. Talohan'izany, dia Mandrakizay ilay izy. Ankehitriny, ny fanontanantsika eo dia, mariho, raha miverina any amin'ny voalohany isika.

⁹⁰ Ankehitriny dia aza diso an'izao! Ary izany no antony itiavako hiresaka miadana, mba hahafahan'ireo olona ao amin'ny antso an-tariby, sy hilazan'ilay horonam-peo azy mazava tsara.

⁹¹ Raha hoy Jesosy hoe, "Miverena any amin'ny voalohany," dia tsy nisy afa-tsy zavatra miara-droa anankiray ihany no nisy teto an-tany. Nisy Adama anankiray, Eva anankiray, Andriamanitra irery no nanakambana azy ireo. Soavaly vavy anankiray, lahy anankiray; boloky vavy anankiray, lahy anankiray. "Tany amin'ny voalohany," araka ny Nolazainy tamintsika mba hiverenana, dia nisy zavatra miara-droa anankiray fotsiny ihany. Marina ve izany? [Hoy ny fiangonana hoe, "Amena."—Mpand.] Avy eo, dia hitantsika fa ny zavatra rehetra "tao amin'ny fiandohana" dia nandeha tao amin'ny lamina tanteraka sy firindrana niaraka tamin'Andriamanitra, tsy nisy na inona na inona nitsivalana.

⁹² Ny zavatra rehetra any an-danitra dia mbola ao anatin'ny lamina foana; ny kintana rehetra, ireo vahin-danitra, ny fihodin'ny masoandro, ny zavatra rehetra dia ao anatin'ny lamina tanteraka. Raha misy anankiray amin'izy ireo mihetsika, dia hampiato an'ilay programa manontolo izany.

⁹³ Ankehitriny henoy. Hitanareo ve? Ny fiatoana anankiray dia manimba an'ilay programa manontolo! Ankehitriny, rehefa nandeha tamin'ny fitohizana niaraka tamin'Andriamanitra ny olombelona, niaraka tamin'ny lehilahy anankiray sy vehivavy anankiray, dia nanota io vehivavy io ary nanipy an'ilay programan'ny tany manontolo niala tao amin'ny fitohizana niaraka tamin'Andriamanitra. Noho izany, ny teny anankiray nampiana tamin'ity Boky ity, na Teny anankiray nesorina Taminy, dia manipy ny Kristiana hiala amin'ny fitohizana miaraka amin'Andriamanitra, manipy ny fiangonana hiala amin'ny fitohizana miaraka amin'Andriamanitra, manipy ny fianakaviana hiala amin'ny fitohizana miaraka amin'Andriamanitra. Ny mpino rehetra dia afaka ny ho voatsipy hiala, amin'ny alàlan'ny tsy fanekena ny Tenin'Andriamanitra rehetra.

⁹⁴ Noho izany, dia ny vehivavy no nahatonga ny fisarahana tao amin'ilay tokantrano mahate-ho tia. Tsy Kerobima iray no nanakorontana ny tany. Tsy i Adama no namotika an'ilay tokantrano. Tsy zavatra hafa no namotika an'ilay tokantrano, sy nanipy ny zavatra manontolo hiala amin'ny fitohizana, fa vehivavy iray, Eva. Ary eto ilay "ny voalohany,"

izay resahan'i Jesosy, no tapaka. Hoy Jesosy hoe, "Tany amin'ny voalohany, Andriamanitra dia nanao lahy iray, vavy iray, isaky ny karazany." Ary ankehitriny rehefa io vehivavy io...tsy ilay soavalny vavy, tsy ilay alika vavy; fa ilay vehivavy, notapahiny ilay fitohizana manontolo an'ny asan'Andriamanitra teto an-tany, ary natsipiny tao amin'ny fahafatesana ny zavatra rehetra. Ilay vehivavy, fa tsy ilay lehilahy, izy no nanapaka an'ilay fanekena. Izy no nanapaka an'ilay fanekena, satria (nahoana?) niampita an'ireo fetran'ny Tenin'Andriamanitra izy. Ankehitriny, raha nanimba ny fanekeny niaraka tamin'ny vadiny izy, dia nanimba ny fanekeny niaraka tamin'Andriamanitra; koa, satria nanapaka an'ilay fanekena niaraka tamin'Andriamanira izy, dia nanapaka an'izany niaraka tamin'ny vadiny izy.

⁹⁵ Ary rehefa tapahinareo ny teny fikasanareo sy ny fanekenareo amin'ny Tenin'Andriamanitra, dia izany no niteraka an'ireo mambram-piagonana zazasary betsaka, satria ny vondron'olona iray no nikambana ary nanao hoe, "Eny, Izany dia tsy midika an'izao," ary izany no manipy ny rafipandaminana rehetra hiala amin'ny fitohizana miaraka amin'ny Teny. "Izahay tsy mino an'Izany. Dokotera Jones dia nilaza fa tsy tahaka an'izany Io." Fa raha mbola Andriamanitra foana no nilaza fa tahaka an'izany Io, dia hoy Izy hoe, "aoka ny tenin'ny olona ho lainga, ary ny Ahy ho Fahamarinana!" Teo no nahatapaka an'ilay fitohizana.

⁹⁶ Ankehitriny dia hitantsika, satria tapaka ilay fitohizana, noho izany dia tapaka ilay lalan'ny Fiainana, ilay lalan'ny fotoana ihany koa dia tapaka, ilay fanekena dia tapaka, ny zavatra rehetra dia torotoro! Inona no nahatonga an'izany? Vehivavy iray. Izany no nanapaka an'ilay fanekena. Ankehitriny, raha tianareo ny hamaky an'izany, dia afaka mamaky azy ianareo, Genesisy 3.

⁹⁷ Ankehitriny, tamin'izany fotoana izany no nanaovana ny lehilahy hanapaka ny vehivavy, amin'ny alalan'ny Tenin'Andriamanitra. Tsy nitovy taminy intsony izy. Nitovy taminy izy tao amin'ny natiora, fantatrareo; fa, rehefa nosimbainy ny Tenin'Andriamanitra, dia nataon'Andriamanitra hanapaka azy ny lehilahy iray. Genesisy 3:16, raha tianareo ny hanoratra an'izany. Tsy nitovy tamin'ny lehilahy intsony izy. Izy no mpanimba ny Tenin'Andriamanitra.

⁹⁸ Tsy hitanareo ve, "izy," [vavy] izy, ilay fiangonana eto? Ilay mpanimba ny Tenin'Andriamanitra, izay nanipy azy tanteraka hiala amin'ny fitohizana. Ary izany no nataon'ny fiangonana, ary nanipy fahafatesana ara-panahy teo amin'ilay zavatra manontolo. Ankehitriny dia ho azonareo hoe nahoana aho no mikiakiaka ny amin'ireny zavatra ireny tahaka ny ataoko. Izany no Fahamarinana! Izany no zava-misy ara-Baiboly.

⁹⁹ Mariho, nahoana izy no dia nanao zavatra tahaka an'izao; ahoana no nahavitan'io vehivavy mahate-ho tia io, tsara tarehy, tanteraka?

¹⁰⁰ Nahita sary aho indray mandeha, mino aho fa tany Grece ilay izy, an'ny artista anankiray izay nandoko ny sarin'i Eva. Izy no zavatra mampahatahotra indrindra tsy mbola hitanareo. Izany no maneho hoe inona no azon'ny fisainana ara-nofo jerena. Fa, tsy izany izy; tsara tarehy izy, satria izy dia vehivavy tanteraka, tena vehivavy.

¹⁰¹ Mariho, nahoana izy no dia nanao an'izany zavatra izany, tao amin'izany laharana ambony izany? Nety tsara izy niaraka tamin'ny lehilahy, nitovy taminy. Saingy isika rehetra dia mahafantatra ankehitriny fa veriny ilay fitoviana tamin'ny lehilahy, rehefa nanota izy, ary hoy Andriamanitra hoe, "Ny lehilahy no hanapaka anao manomboka eto." Ankehitriny, izany no Soratra. Raha tianareo, dia azonareo vakiana izany.

¹⁰² Homeko anareo ireo Soratra, mba hitsitsiana fotoana ho an'ity fifandraisana an-telefona manerana ny firenena ity, mba ianareo ihany mihitsy no afaka hamaky azy.

¹⁰³ Mariho ilay antony nanaovany an'izany. Ahoana no mba nahafahan'i Satana nanatona azy?

¹⁰⁴ Efa fantatrareo ve fa i Satana dia nitovy tamin'Andriamanitra indray andro? Azo antoka izany, tamin'ny rehetra afa-tsy mpamorona; zava-drehetra izy, nitsangana teo ankavan'an'Andriamanitra, tany An-danitra, ilay Kerobima mpitarika lehibe.

¹⁰⁵ Mariho ilay antony izay nanaovany an'io, tsy tao amin'ilay famoronana tany am-boalohany izy. Tsy tao amin'ny famoronan'Andriamanitra tany am-boalohany izy; vokatra notsoahina izy. Noho izany, "tany amin'ny voalohany," araka ny nanondroan'i Jesosy an'izany, dia tsy zavatra noforonin'Andriamanitra tany am-boalohany izy. Vokatra notsoahina avy tao amin'ny lehilahy izy, rehefa notondroin'i Jesosy "ny voalohany."

¹⁰⁶ Tsarovy, fa i Adama dia sady lahy no vavy, tao amin'ilay famoronana tany am-boalohany, anankiray, fa avy eo izy dia nosarahina tamin'ny alàlan'ny taolan-tehezana iray.

¹⁰⁷ Mariho, fa ny vokatra notsoahina, ary, mariho, ilay hany tokana avy tamin'ny famoronan'Andriamanitra rehetra, avy amin'ny biby rehetra sy ny sisa hafa, dia izy no hany tokana notendrena ho toy izany. Ny vavy hafa rehetra dia tao amin'ny famoronana tany am-boalohany avokoa. Ny vavy hafa rehetra dia tao amin'ny famoronana tany am-boalohany avokoa, fa i Eva dia tsy tao amin'ilay famoronana tany am-boalohany. Hitanareo, tsy maintsy toy izany no nanaovana azy. Ho tonga eo amin'izany isika afaka kelikely. Mariho, tao amin'io famoronana

izay nisy azy io, tsy tao amin'ilay tany am-boalohany, fa vokatra notsoahina iray. Ary ao amin'io famoronana io, dia misy . . .

¹⁰⁸ Ankehitriny dia tsy te-handra tra ny fihetseham-ponareo aho, fa te-hiteny aminareo ny Fahamarinana aho. Ary ianareo mipetraha tsara fotsiny; dia hanao ny tsara ianareo.

¹⁰⁹ Tsy nisy na inona na inona voatendry mba ho tena mpamitaka, noho ny vehivavy izay mamitaka. Tsy mety hisy zavatra hafa; tsy misy na inona na inona natao ho tahaka an'izany.

¹¹⁰ Izao koa, tsy nisy na inona na inona izay azo fitahina mora noho ny vehivavy. Ankehitriny, ilay fahalavoana no manaporofo an'izany fanambarana izany ho marina, ilay fahalavoana tany amin'ny voalohany.

¹¹¹ Tsy tao amin'ny fanombohan'ny famoronana tany am-boalohany izy. Tao anatin'i Adama izy, fa tsy tao amin'ny maha-vehivavy anankiray, ny tenany, tany amin'ny voalohany. Izy dia vokatra notsoahina namboarina.

¹¹² Ankehitriny, tsy misy na inona na inona voatendry mba afaka hamitaka, sy ho fitahina, mora indrindra noho ny vehivavy iray. Tsy misy na inona na inona voatendry na afaka manambany tena ho tena ambany noho ny vehivavy. Eritrereto ankehitriny. Tsy misy na inona na inona voatendry, tao amin'ny famoronana rehetra, izay afaka manambany tena ho tena ambany noho ny vehivavy. Afaka mandrovitra ny fon'ny lehilahy iray ho potipotika mora foana noho ny zavatra hafa izay misy eto amin'izao tontolo izao izy, vadiny izy. Avelao anie ilay vady kely mahafinaritra handeha hihodinkodina miaraka amin'ny lehilahy hafa anankiray; jereo ilay lehilahy mipetraka eo miaraka amin'ireo zanany, ireo ranomaso mikoriana avy eo amin'ny masonry. Voatendry ho toy izany izy. Voatendry hanao an'izany izy. Tsy misy kisoa, tsy misy alika, na biby hafa, voatendry tahaka azy na afaka manambany tena ho tena ambany tahaka ny hanambaniany tena. Ankehitriny, izany no marina.

Miaraka amin'ny fanajana ho an'ireo anabaviko, dia tiako handinika fotsiny ianareo.

¹¹³ Tsy misy biby mety ho ratsy fitondran-tena. Ianareo dia afaka miantsy ny alika hoe "mpanenji-dahy," ilay alika vavy, ianareo dia afaka miantsy an'ilay lahy...kisoa hoe "renin-kisoa," fa ny fitondran-tenany dia any amin'ny iray tapitriza maily lavitra noho ireo mpilalaon'ny Hollywood. Izany dia hoe ambany toy ny ahoana no nanendrena azy hanambany tena. Tsy vitany... Eritrereto fotsiny izany ankehitriny. Tsy misy na inona na inona eto amin'izao tontolo izao, vita tao amin'ny famoronan'Andriamanitra, izay mety ho ratsy fitondran-tena, manambany tena tamin'io fahambaniana io.

¹¹⁴ Hoy ianareo hoe, “Andraso iray minitra, ‘ny lehilahy’!” Ho tonga eo amin’izany isika. Ny vehivavy no tokony hanao hoe “eny.”

¹¹⁵ Mariho, tsy misy na inona na inona voatendry hanambany tena ho tena ambany, na haloto, afa-tsy vehivavy iray. Ny alika tsy mahavita an’izany, ny kisoa tsy mahavita an’izany, ny vorona tsy mahavita an’izany. Tsy misy biby izay ratsy fitondran-tena, na mety ho izany, satria tsy voatendry ny ho toy izany izy. Ny kisoa vavy tsy mety ho ratsy fitondran-tena, ny alika vavy tsy mety ho ratsy fitondran-tena, ny vorona vavy tsy mety ho ratsy fitondran-tena. Ny vehivavy no zavatra tokana afaka manao an’izany.

¹¹⁶ Ankehitriny hitanareo ve hoe taiza no nandehanan’i Satana? Hitanareo? Fa mbola manana foana izy, izy no hany manana ny fahefana hiteny “eny” na “tsia.” Hitanareo, miankina amin’izay tiany hampijoroana ny tenany izany. Hitanareo? Ankehitriny dia afaka mahita mazava an’ilay taranaky ny menarana isika, hoe taiza no nimirany. Toerana anankiray ihany no azony haleha. Raha tsy hifantsika lalina izany, dia jamba ny olona. Hitanareo? Hitanareo, tsy maintsy tonga teo izany.

¹¹⁷ Mariho, ny antony tsy nahafahan’ny biby nanao an’izany, ny biby vavy anankiray, izy ireo dia efa tao amin’ilay famoronana tany am-boalohany. Fa ny vehivavy dia tsy tao amin’io famoronana tany am-boalohany io. Ankehitriny dia hiverina isika mba hampiakatra an’izany, avy eo dia hitondra anareo avy hatrany hidina ao amin’ilay andro moderina, ao amin’ny Testamenta.

¹¹⁸ Voatendry izy, izy irery, ho an’ny fahalotoana sy fiainana maloto. Ny alika tsy mahavita, ary tsy misy vavy hafa mahavita. Ny vehivavy ihany no mahavita. Ny alika na ireo biby hafa rehetra, dia indray mandeha isan-taona ihany, ary izany dia ho an’ireo zanany; tsy ho an’ny fahafinaretan’ny filàn’ny nofo, fa ho an’ireo zanany. Ny kisoa vavy lehibe antitra, ny alika mpanenji-dahy antitra, dia indray mandeha isan-taona, fotoana anankiray, izany dia ho an’ireo zanany. Fa ny vehivavy dia voatendry ho an’ny fotoana rehetra izay tiany. Manana zavatra maromaro voakosoka aho eto ankehitriny; azonareo eritreretina ny ambiny. Ny alika tsy mahavita; ny vehivavy mahavita. Manantena aho fa ny Fanahy Masina no hanambara aminareo ny ambin’ity izay nokosehako eto ity.

¹¹⁹ Izy no karazana tokana, karazana vavy, izay natao ho tsara tarehy noho ny lahy. Tsy misy karazana hafa eo anivor’ny rehetra. Ny famoronan’Andriamanitra hafa rehetra dia lahy tsara tarehy, toy ny ao amin’ny biby, ny vorona, sy ny sisa, dia ny lahy foana no tsara tarehy.

¹²⁰ Jereo ny lahin-diera lehibe, ireo tandroka lehibe mahafinaritra, karazana tsara; sy ilay vavin-diera kely, tsotra.

Jereo ny akoholahy lehibe miaraka amin'ireo volony rehetra tsara tarehy; sy ny akohovavy kely, volontany. Jereo ireo vorona, ny akoholahy sy ny akohovavy. Nahoana, nahoana no toy izany izy, tamin'ireo famoronan'Andriamanitra rehetra? Ny famoronana rehetra, dia ao amin'ny lahy no misy ny hatsaran-tarehy indrindra. Eo amin'ny ondry, eo amin'ireo—ireo kisoa, eo amin'ireo soaavy, eo amin'ny zavatra hafa rehetra, dia ilay lahy lehibe foana no tsara tarehy, sy ao amin'ireo vorona.

¹²¹ Fa ao amin'ny taranak'olombelona kosa, dia ny vehivavy no tsara tarehy, fa tsy ny lehilahy; raha izany izy, dia misy zavatra tsy mety, misy voa nampifangaroana izany any ho any. Tany ampiandohana dia toy izany ilay izy. Nahoana, nahoana no natao izany? Mba entina hamitahana. Ny mpamolavola azy, Satana, dia mbola miasa eo aminy foana, ihany koa, amin'izao andro farany izao.

¹²² Mamelà ahy hijanona eto mandritry ny fotoana vitsy. "Tsara tarehy!" Efa fantatrareo ve, fa ny fahapotehina voalohany, nanerana ny firenena, teto amin'izao tontolo izao, na manerantany, dia noho ireo vehivavy tsara tarehy? "Rehefa hitan'ireo zanakalahin'Andriamanitra fa tsara tarehy ireo zanakavavin'ny olona, dia naka an'ireo vehivavy ireo izy." Marina ve izany?

¹²³ Efa mba voamarikareo ve ilay fitombon'ny hatsaran-tarehin'ny vehivavy amin'izao andro izao? Efa nahita ny sarin'i Pearl O'Brien aho, izay noheverina ho ny vehivavy tsara tarehy indrindra teto amin'ny firenena, indray mandeha. Tsy misy zazavavyadolantsento anankiray ato amin'ity sekoly ity ka tsy haharesy azy, raha resaka hatsaran-tarehy.

¹²⁴ Ny fitombon'ny hatsaran-tarehin'ny vehivavy dia maneho ny andron'ny famitahana. Oviana no mba tena naha-tsara tarehy ny fiangonana ankoatry ny ataony amin'izao andro izao? Ny zavatra rehetra dia mampiseho tranobe lehibe, goavana tsara tarehy, sy an-tapitrisan'ny *ity* sy an-tapitrisan'ny *itsy*. Tsy hitanareo ve, "izy," [vavy] ilay famitahana!

¹²⁵ Ankehitriny, tsy misy zavatra izay afaka manambany tena tahaka azy, ary voatendry izy mba hahatonga azy ho fitaka. Ary tena miasa eo aminy i Satana amin'izao andro izao, amin'izao andro farany izao, satria izy no mpamolavola azy. Azoko porofoina izany ankehitriny. Hiverina avy hatrany any amin'ny voalohany, iza no nanomboka niasa teo aminy, Adama sa Satana, Andriamanitra sa Satana? Hitanareo, io no mpamolavola azy. Izany no fiadiany lehibe hanipazana ny lehilahy ao amin'ny fahalotoany, amin'ny maha-vehivavy tsara tarehy iray, mahay mampitsingevaheva lehilahy iray amin'ny fomba izay itiavany azy izy. Rahalahy, tsy ilay trano fisotroan-toaka etsy io no mahavoa ny lehilahy; ilay izy dia ny vehivavy tsara tarehy mandeha eny an-dàlana, mampiolanolana ny tenany, mitafy tapaka. Izany no maka... Izany mihitsy ilay mpamitaka eo. Ary

mahafaty izy miaraka amin'izany, tena mahafaty tokoa. Mety hanontany ahy ianareo ny amin'ny hoe i Satana no mpamolavola azy, fa izany no Fahamarinana. Satana no namolavola azy. Mbola manao an'izany foana izy.

¹²⁶ Mamelà ahy haneho zavatra anankiray aminareo ao amin'ny Soratra. Tsy maintsy mitondra anareo miverina amin'ny Soratra aho, ary ianareo misintona ny hevitrareo arak'izay hijerenareo azy amin'izao andro izao.

¹²⁷ Satana no mampiseho an'io karazana hatsaran-tarehy io. Raha hahamarika isika, dia izy no tsara tarehy indrindra tamin'ny Anjely rehetra tany An-danitra. Marina ve izany? Ary naniry ny hanao ny Lanitra ho toerana tsara tarehy kokoa noho ny fanjakan'i Mikaela izy. Marina ve izany? Izao koa, mba haneho fa i Kaina dia zanany, dia nanolotra fanompoana tsara tarehy kokoa izy, nandravaka an'ireo alitarany tamin'ireo voankazo sy voninkazo, sy ny sisa. Marina ve izany? Tsara tarehy! Tsara tarehy ny fahotana, izay antsointsika hoe hatsaran-tarehy amin'izao andro izao. Ary mamitaka ny fahotana, amin'ny alàlan'ny hatsaran-tarehy. Tsy hijery vehivavy anankiray mihitsy ianareo izay mandeha eny an-dàlambe ka hilaza an'izay ao am-pony. Hitanareo? Fa tiako ny nilaza an'ireo zavatra ireo mba hahafahanareo mahita hoe nahoana no i Satana no mpamolavola azy. Tena marina izany, ny zanany manokana no nanoporofo an'izany, Kaina. Ankehitriny, tsara tarehy izy mba hahafahany mamitaka.

¹²⁸ Tsara tarehy izao tontolo izao mba hahafahany mamitaka. Ny tiako ho lazaina dia *kosmos*, ilay rafitr'izao tontolo izao. Tsara tarehy izy mba hahafahany mamitaka, toerana lehibe mahafinaritra sy zava-tsoa.

¹²⁹ Tsarovy ilay mpaminany, Amosa, rehefa niakatra izy ka niondrika njery an'ilay tanàna, ary nahita azy nitovy tamin'ny Hollywood moderina anankiray, dia lasa kely ireo maso keliny antitra, teo ambanin'ilay volo fotsy nihantona teo amin'ny tavany. Ary nandeha teo izy niaraka tamin'ny Hafatra iray, ary nandrefotra an'Izany teo amin'io toerana io. Hoy izy hoe, "Ilay tena Andriamanitra izay lazainareo fa tomoina mihitsy, no hanapotika anareo!" Marina izany.

¹³⁰ Tsara tarehy ny fahotana. Nanao sarin'i Jodasy izy ireo tahaka ny mamo lava antitra mivenjiveny eto an-dàlambe eto any ho any, ary ny vava misanaka feno lalitra ao anatiny, sy ny sisa, hoe Jodasy. Jodasy dia tsara tarehy, matanjaka, mpamitaka iray. Tsy ilay olona mihodinkodina eo aminareo no dinihina, tsy ny olona izay (ilay mpiompy antitra) izay tonga manao akanjo fitondra miasa, mihodinkodina eo amin'ny vadinareo no dinihina; ilay izy dia io fetsifetsy io, izy ilay karilahy.

¹³¹ Tsara tarehy ny ota eo imason'izao tontolo izao, fa Andriamanitra dia tsy voaseho tao amin'izany karazana

hatsaran-tarehy izany. Efa fantatrareo ve izany? Voaseho ao amin'ny toetra Andriamanitra, toetra tsara tarehy.

¹³² Ao amin'ny Baiboly, Isaia 53, raha tianareo ny handray naoty ny Soratra. Misy andalan-tSoratra voasoratra eto amin'ity ilany ity ho an'izany. Isaia 53, ny Baiboly no niresaka ny amin'i Jesosy Tomponsika, hoe, "Tsy nisy hatsaran-tarehy hanirantsika Azy. Ary nanafina ny tavantsika Taminy isika." Marina ve izany? Tsy naniry Azy isika, satria tsy tsara tarehy Izy. Mety ho olona kely fotsiny Izy, nilatsa-tsoroka, mena fihodirana, ary tsy nilaina ho mpitarika iray Izy. Tsy nitovy tamin'ny mpitarika iray Izy. Niteny tamin'ny fiteny tsotra an-dalambe, sy ny sisa, tahaka ny ataon'ny olona, ny olona tsotra, koa noho izany Izy dia tsy mba toy ny hoe Izy no manam-pahaizana lehibe, nianatra, tsara, mirebareba akanjo, sy ny sisa. Lehilahy tsotra anankiray fotsiny Izy. "Tsy nisy hatsaran-tarehy Izy, mba hanirantsika Azy." Nivoaka sy niditra teo amin'ny olona Izy, hatramin'izay, ka tsy fantatr'izy ireo akory aza hoe Iza Izy. Tsy toy ny andriamanitra anankiray mandehandeha Izy, izay heverintsika ho naha-andriamanitra. Fa, mitovy, izy Izy!

¹³³ Efa mba voamarikareo ve rehefa ny Tompo Andriamanitra no niteny tamin'i-tamin'i Samoela hoe, "Miakara ao an-tranon'i Jese ka hosory ny anankiray amin'ireo zanany, ho mpanjaka, haka ny toeran'i Saoly"?

¹³⁴ Ankehitriny, nifidy an'i Saoly ny vahoaka, nefà i Samoela dia efa niteny azy ireo tanteraka mba tsy hanao an'izany. Hoy izy hoe, "Tsy tian'Andriamanitra banana mpanjaka ianareo; Izy no Mpanjakanareo." Ary hoy izy, "Efa mba niteny zavatra anankiray taminareo ve aho, tamin'ny Anaran'ny Tompo, ka tsy niseho? Efa mba nangataka vola taminareo ve aho na zavatra, hafa, ho an'ny fivelomako?"

¹³⁵ Hoy izy ireo hoe, "Tsia, tsy nangataka vola taminay mihitsy ianao. Ary na inona na inona nolazainao, tamin'ny Anaran'ny Tompo, dia niseho izany. Fa mila an'ilay mpanjaka izahay, na izany aza," noho izany dia nifidy an'i Saoly izy ireo. Jereo izaynofidian'izao tontolo izao! Jereo izaynofidian'ny Isirael! Isirael, voahosotr'Andriamanitra, dia nifidy lehilahy iray izay nanana loha sy soroka nihoatra noho ny lehilahy rehetra tao amin'ilay firenena; lehibe, goavana, tsara, lehilahy tsara bika, fa izy foana no lalitra iray eo amin'ilay menaka fanosorana.

¹³⁶ Fa hoy Andriamanitra hoe, "Izaho no hifidy mpanjaka ho anareo amin'ny Fifidianako." Koa dia hoy Izy hoe, "Ry Samoela, tsy hiteny aminao Aho hoe iza ilay izy, fa miakara ianao any. Anankiray amin'ireo zanak'i Jese izy."

¹³⁷ Ary Jese, ny vadiny, sy izy rehetra dia njery manodidina, nanao hoe, "Eny, ny zanakalahintsika zokiny indrindra, izy no lehibe, lava, lehilahy tsara tarehy, tena hety aminy mihitsy ilay satroboninahitry ny mpanjaka. Mahay izy. Nianatra izy.

Lehilahy tsara izy. Fantattro fa hety tsara mihitsy izy. Miteny ny teniny madio izy.”

¹³⁸ Rehefa nentin’izy ireo teo izy, dia nalain’i Samoela ilay sinindiloilo ary nandroso teo aminy. Hoy izy hoe, “Tsia, nolavin’ny Tompo izy.” Nampandaloviny teo izy rehetra, hatrany amin’ny zanaka enina, ary nolavin’ny Tompo ny tsirairay tamin’izy ireo. Hoy izy hoe, “Misy anankiray hafa ve?”

¹³⁹ “Oh,” hoy izy, “eny, misy anankiray, miandry ondry any ambadika any izy. Mipetraka any fotsiny izy ary mitendry hira, dia mihira an’izany, sy miantsoantso, ary manohy. Saingy, izy dia milatsa-tsoroka ratsy kely, ankizy mena fihodirana, tsy ho lasa mpanjaka iray mihitsy izy.”

¹⁴⁰ Hoy izy hoe, “Mandehana alaivo izy.” Ary rehefa niditra teo anatrehan’ilay mpaminany i Davida, dia nihazakazaka niaraka tamin’ny diloilo ilay mpaminany ary nandraraka an’izany teo amin’ny lohany, nanao hoe, “Ity no voafidin’Andriamanitra.” Tsy tsara tarehy; fa toetra. Mijery toetra Andriamanitra.

¹⁴¹ Ny olona dia mijery ny hatsaran-tarehy ara-nofo. Mamitaka izany. Ary izany no antony nanomezana ny vehivavy an’io hatsaran-tarehy io, ho an’ny famitohana, mba hamitaka. Ny vehivavy tsara tarehy anankiray, raha tsy mampiasa an’izany amin’ny fomba tsara izy, dia ozona iray ho azy izany; izany no handefa azy any amin’ny helo haingana kokoa noho ny zavatra hafa izay fantattro. Raha izy fotsiny . . . Raha mety ho tsara tarehy izy, azo antoka, raha mbola mijanona foana amin’ny vadiny izy ka manao an’izay marina, dia izany—izany no tsara sy tena mihaja. Fa afaka maka an’io zavatra io ihany izy ary, oadray, tena afaka mamitaka miaraka amin’izany izy, fa nomena azy io mba hanaovany tahaka an’izany.

¹⁴² Mariho, ankehitriny, fa Andriamanitra dia voaseho ao amin’ny toetra. “Tsy nisy hatsaran-tarehy haniriantsika an’i Jesosy,” saingy tsy nisy mihitsy kosa toetra tahaka Azy, teto an-tany.

¹⁴³ Ankehitriny dia mahita isika, amin’izao andro izao, fa ny—ny toetran’ny fiangonana, i Satana sy ny vondrony, dia mitady fiangonana goavana, tsara tarehy, zavatra tsara tarehy. Izany no jeren’izao tontolo izao amin’izao andro izao. “Oh, ity no pasitera, ny *izao-sy-izao* lehibe an’ny andro, *izao-sy-izao*, tena mpisorona sy mpivavaka, mandroso, ireo akanjo be, sy ny zavatra tahaka an’izany.” Izany no antsoin’izy ireo hoe hatsaran-tarehy.

¹⁴⁴ Fa ireo tena masin’Andriamanitra dia mitady ny toetran’ilay Teny voamarina.

¹⁴⁵ Izany no nataon’ireo masina tamin’izany andro izany, rehefa nahita an’i Jesosy izy ireo. Tsy nisy na inona na inona nojerena Izy, saingy hitan’izy ireo kosa fa Andriamanitra no tao Aminy. Hitam’izy ireo fa Andriamanitra no niaraka Taminy.

¹⁴⁶ Tahaka an'izany ireo, Joaba sy ireo toetra niaraka tamin'i Davida, olona ratsy kely anankiray, saingy hitan'izy ireo fa ilay—ilay lehilahy no tao aminy. Hitan'izy ireo fa tao aminy Andriamanitra, ary fantatr'izy ireo fa ho tonga eo amin'ny fahefana izy indray andro any. Izy ireo... Ny anankiray dia namono an'ireo rahalahin'i Goliata dimy hafa, izy irery. Ny anankiray nahafaty lehilahy telonjato; rehefa nitango tsaramaso maromaro ho an'ny sakafô hariva ireo vehivavy sasany, ka lasa ilay tafika, dia naka lefona iray izy ka nahafaty lehilahy telonjato, Filistina. Toetra! Nahoana? Nanohana tsara an'i Davida izy ireo. Fantatr'izy ireo fa teo aminy ilay hosotra, ary fantatr'izy ireo fa ho to tonga eo amin'ny fahefana izy.

¹⁴⁷ Tena sary madio iray an'ilay Fiagonana amin'izao andro izao izay hanohana ny Teny! Fantatsika fa ho voamarina Izany. Fantatsika fa ho tonga eo amin'ny fahefana Izany indray andro any. Na dia i Saoly aza... Ary mpandositra iray izy teo anatrehan'ireo firenena sisâ, saingy fantatr'izy ireo fa ho tonga eo amin'ny fahefana izy. Fantatsika fa Izy dia ho tonga eo amin'ny fahefana, ihany koa, noho izany dia mandray an'ilay Teny isika ary mijoro tsara eo, tsy mampaninona izay sandany. Raha tsy maintsy hamely Filistina isika, na hitsambikina any anaty lavaka sy hamono liona iray, tahaka ny efa nataon'ny anankiray, dia mandeha isika na izany aza, satria izany no... izany no lâlana voatendrin'Andriamanitra haha-izy azy. Mitady toetra isika.

¹⁴⁸ Mety manontany ahy ianareo ankehitriny hoe, “Nahoana no Navelany ho voatendry toy izany izy?” Tsy te-haka fotoana ela loatra aho, satria mbola manana ho lazaina betsaka aho eto. “Nahoana,” mety hipotra ny fanontaniana arak'izany hoe, “nahoana Andriamanitra no nanao an’io vehivavy io ho tahaka an’izany? Nahoana no Navelany ho tahaka an’io izy?” Izany dia ho an'ny Fahafinaretany Manokana tsara. Azo antoka.

¹⁴⁹ Ankehitriny raha tianareo ny hamadika ny Baibolinareo iray minitra fotsiny, ndao isika hamadika ao amin'ny Romana 9, iray minitra fotsiny, ary haneho zavatra anankiray aminareo, ahoana no anaovan'Andriamanitra an'ireo zavatra ireo, raha tianareo ny—ny hamaky an'izany. Ary afaka mahita isika eto an'izay ataon'Andriamanitra ho an'ny Fahafinaretany Manokana tsara. Romana 9:14.

Koa ahoana àry no holazaintsika?

Misy tsi-fahamarinana ve amin'Andriamanitra?...

¹⁵⁰ Rehefa nifyd an'i Esao Izy, na nifyd an'i Jakoba ka nandà an'i Esao, talohan'ny nananan'ilay tovolahy zo hanao safidy akory aza, ny tenany, tsy nisy anankiray tamin'izy ireo; talohan'ny nahaterahan'izy ireo, mbola tao an-kibon'ny reny, dia hoy Andriamanitra hoe, “Halako i Esao, fa Tiako i Jakoba.” Hitanareo? Nahoana?

Fa izy niteny tamin'i Mosesy hoe, izaho hamindra fo amin'izay hamindrako fo, ary izaho hiantra an'izay hiantrako.

Koa izany dia tsy...izay maniry, na...izay mihazakazaka, fa izany dia Andriamanitra izay miantra.

Fa ny soratra no niteny tamin'i Farao hoe, Fa ho an'izany tanjona izany ihany no nanandratako anao, mba hahafahako mampiseho ny heriko aminao, ary mba hanambarana ny anarako any amin'ny tany rehetra.

Koa izy...(ankehitriny diniho eto)...fa izy... hamindra fo amin'izay hamindrany fo, ary izay hamafiany fo.

Ianao dia hanao...amiko hoe, Nahoana àry izy...no manome tsiny? Fa iza no nanohittra ny sitrapony?

Tsia fa, O ralehilahy, iza moa ianao izay mamaly manohittra an'Andriamanitra? Izay zavatra noforonina ve hanao amin'izay namorona azy hoe, Nahoana ianao no nanao ahy toy izao?

Ny mpanefy vilany ve tsy manam-pahefana amin'ny tanimanga, ka ny vongany iray ihany no anaovany ny fanaka iray mba hajaina, ary ny iray hafa mba halaim-baraka?

Ahoana moa raha Andriamanitra, na dia te-haneho ny fahatezerany, sy hampahafantatra ny heriny aza, dia be fahari-po...ka nandefitra tamin'izay fanaky ny fahatezerana voavoatra hosimbana:

...mba hampahafantariny koa ny haren'ny voninahiny amin'izay fanaky ny famindram-po, izay namboariny rahateo ho an'ny voninahittra,

¹⁵¹ Ankehitriny miady hevitra amin'Izany vetivety. Andriamanitra no nanao an'izany! Tsy maintsy nanao an'izany tamin'io fomba io Izy. Tsy maintsy teo izany. Ankehitriny henoy ankehitriny mandritry ny dimy minitra eo ho eo, te-hiantso ny fifantohanareo amin'ny zavatra anankiray aho.

¹⁵² Inona Andriamanitra? Andriamanitra dia Mandrakizay anankiray lehibe. Tany amin'ny voalohany, tany aoriania tany talohan'ny nisian'ny fiandohana anankiray, tsy mbola Andriamanitra akory aza Izy. Efa fantatrareo ve izany? *Andriamanitra* dia "zavatra tompona," ary tsy nisy na inona na inona hanompo Azy. Nitoeatra irery Izy.

¹⁵³ Ary tao Aminy dia nisy an'ireo toetra. Inona ny toetra anankiray? Fisainana anankiray. Ankehitriny dia hahazo zavatra anankiray ianareo izay hanakaiky an'ilay lesona ho an'izao hariva izao. Mariho, Izy no Toetrany izay tao Aminy. Ankehitriny, tao Aminy ny ho Ray, tao Aminy ny ho

Andriamanitra, tao Aminy ny ho Zanaka, tao Aminy ny ho Mpamonjy, tao Aminy ny ho Mpanasitrana. Ary ireo zavatra rehetra eto ireo dia mampiseho fotsiny an'ireo Toetrany. Tsy misy na inona na inona nkorontana. Mihevitra ve ianareeo fa Andriamanitra dia tsy nahita ny farany hatrany amin'ny voalohany? Izany tokoa, Fantany. Tsy nisy na inona na inona mikorontana, mampiseho fotsiny an'ireo Toetrany izany.

¹⁵⁴ Ankehitriny, tsy mety ho *marina* Izy nefá hanao olona iray ho lavo. Tsý maintsy Apetrany eo ambonin'ny fototra mitovy izy, avy amin'ny safidy malalaka, mba hanaovana ny safidiny manokana, saingy mahafantatra fa ho lavo izy.

¹⁵⁵ Ankehitriny, tsy mety ho Mpamonjy iray Izy raha tsy misy zavatra anankiray very. Tsý mety ho Mpanasitrana iray Izy raha tsy misy zavatra anankiray marary. Ireo zavatra ireo dia tsy maintsy ho toy izany. Andriamanitra no nanao azy ireny ho toy izany mba hahafahan'ireo Toetrany lehibe ho voaseho. Raha tsy nisy izany, dia tsy ho Mpamonjy iray mihitsy Izy. Fa fantatsika fa izany Izy, talohan'ny nisian'ny fotoana iray mihitsy aza, dia efa Mpamonjy iray Izy. Mpamonjy iray Izy, noho izany dia tsy maintsy misy zavatra anankiray very. Ahoana no hisian'izany?

¹⁵⁶ Raha maka Izy ka mamery an'izany, mba hanavotra an'izany fotsiny, amin'izay fotoana izay dia tsy misy fahamarinana ao amin'ny Fitsarany. Tsý afaka handefa olona iray any amin'ny helo Izy, nefá ho marina. Izy dia tsara fanahy, malemy fanahy, marina, mahitsy fo, ary Izy dia Mpitsara lehibe iray. Hitanareo, tsy hiasa hanohitra ny Tenany Izy.

¹⁵⁷ Noho izany dia tsy maintsy nametraka olona teto Izy, ary nanao azy eo ambonin'ny safidy malalaka, mba hahafahany, amin'ny fahafantarana, hahafahany ho lavo; ary ilay olona, tao amin'ny Endrin Manokana, ahoana no hahafahany ho lavo? Ankehitriny hitanareo ve ilay andron'ny Hazavana? Noho izany, dia tsy maintsy nanamboatra vokatra notsoahina anankiray Izy, zavatra iray avy tao amin'ilay famoronana tany amboalohany. Ankehitriny hitanareo izany. Hitanareo? Teo no tonga ianareo. Hitanareo? Avy eo, io ilay lavo. Izy no nanao an'io, nahafantatra fa ho lavo io. Ary napetraka teo an-tànan'i Satana izany, ho fanaky ny fahafaham-baraka. Aiza no nanomezana voninahitra amin'izao andro izao? Eritrereto izany. Mariho tsara ankehitriny.

¹⁵⁸ Avy eo indray koa, nahoana izy no voatendry ho toy izany ary tsy mba tahaka an'ireo vavy hafa, nahoana ny vehivavy no voatendry tahaka an'izany fa tsy ireo vavy sasany? Tsý nisy tamin'ireo vavy hafa na dia iray aza voatendry tahaka an'izany. Tsý izany izy ireo, amin'izao andro izao. Tsý mety ho izany izy ireo. Tsý natao toy izany, tsy mahavita an'izany izy. Nahoana ary Izy no tsy nanao an'ity vavy ity, ny vehivavy, tahaka an'ireo vavy hafa fotsiny, mba hahatonga azy hitovy amin'izany fotsiny,

hahafahany hitaiza an'ireo zanany fotsiny? Amin'izay fotoana izay dia banana ny vadiny izy, ary hiaina; ary rehefa tonga ny fotoana ho an'ny zanany, dia hahazo ny zanany izy. Nahoana, nahoana Izy no tsy nanao azy ho tahaka an'izany?

¹⁵⁹ Tsy afaka milaza an'ireto teny ireto aho. Ary azonareo izay lazaiko, sa tsy izany? Raha azonareo, dia manaovala "amena." [Hoy ny fiangonana hoe, "Amena."—Mpand.] Hia. Hitanareo? Misy tovovavy mipetraka eto, ary tovolahy, hitanareo. Fa fantatrareo, fa ny biby dia tsy maintsy tonga eo amin'ny fotoana iray amin'ny taona, sy ny vadiny, dia izay ihany. Fa, ny vehivavy iray, dia amin'ny fotoana rehetra. Ary nahoana no Nataony toy izany izy?

¹⁶⁰ Ankehitriny dia diniho ny Programany lehibe voaseho, raha mandroso isika eto ankehitriny, tena tanteraka dia tanteraka araka ny maha-izy azy. Tsy nahafantatra an'ity aho raha tsy tamin'ilay indray andro.

¹⁶¹ Nahoana no tsy Nataony tahaka an'izany izy tany amin'ny voalohany, tahaka an'ireo Vaviny sisa? Satria tsy ho mety Aminy izany. Izy no Loharanon'ny fahadiovana rehetra. Izany no antony tsy maintsy Namelany an'i Satana haka azy, ho an'izay nataony tao amin'ilay fanimbana. Ny famoronana tahaka an'izany dia ho, tsy ho mety Aminy, voatendry ho amin'izany hatrany ampiandohana.

¹⁶² Ireo Asany rehetra izay Notendreny, tao amin'ny fiandohana, dia ao anatin'ny fitohizana. Ireo Asany rehetra any ampiandohana dia tao anatin'ny fitohizana. Ny alika vavy, ny alika lahy; hitanareo, ny omby vavy, ny omby lahy; ny zavatra rehetra ao anatin'ny fitohizana. Ny voa dia maty, mandeha ao anatin'ny tany; tena tahaka ny fahafatesana mihitsy, fandevenana, fitsanganana. Midina avy ao amin'ny hazo ny tsiron-kazo, mandatsaka ny raviny, miverina indray amin'ny taona manaraka miaraka amin'ny fitsanganana amin'ny ravina vaovao. Hitanareo ve izay tiako ho lazaina? Ny zavatra rehetra, na dia ny natiora aza, an'Andriamanitra, dia ao amin'ny fitohizana daholo, ao amin'ny anankiray; ary ity dia anankiray voatendry tany ivelan'ilay fitohizana an'Andriamanitra. Tena voatendry ny natiora noho izany dia tsy afaka manota izy. Eritrereto! Ny famoronana tany am-boalohany, an'Andriamanitra, dia tsy afaka nanota.

¹⁶³ Oh, tsy hitanareo ve izany ankehitriny, amin'ny fijerena eto, ilay fanimban'ny fiangonana? Ny tany amboalohany dia ny Tenin'Andriamanitra! Tsy nisy fahotana tao amin'Andriamanitra. Hitanareo ve izay tiako ho lazaina? Inty misy famoronana iray tonga teo amin'ny fisiana tamin'ny alàlan'ny fanimbana. Hanana Fiangonana iray Andriamanitra, saingy jereo ity zavatra simba azon'izy ireo eto ity.

¹⁶⁴ Manana lahy sy vavy Andriamanitra. Fa, ity vehivavy ity, hitanareo, ireo tena fambara an'ilay izy mihitsy no maneho

an'izay tao amin'ny fisainan'Andriamanitra tany. Afaka maka ora iray isika, na roa, ary hamelabelatra an'izany. Izy...Natao ho tahaka an'izany io famoronana io, Izy no nanao an'ilay famoronana ka namadika azy mba hahafahan'i Satana mahazo azy, ary nataony izany. Mbola azony foana izy. Tsaratsara kokoa ho azy ny nihazakazaka teo amin'ilay Hazo fijaliana, tahaka ny lehilahy, ihany koa.

¹⁶⁵ Mariho, ny natiora rehetra dia mandeha ao amin'ny fitohizana. Raha nanao ny vehivavy tao amin'ilay famoronana tany am-boalohany iray ihany Izy, dia tsy ho nisy ny fahotana, satria tsy afaka nanao an'izany izy, tsy afaka nanao an'izany izy. Fanimbana iray avy tao amin'ilay famoronana tany am-boalohany izy.

¹⁶⁶ Toy izany koa ny fahotana rehetra dia famadihana iray avy tao amin'ilay Fahamarinana tany am-boalohany! Inona ny lainga? Fahamarinana nosimbaina izany. Inona ny fijangajangana? Fanao marina nosimbaina izany. Noho izany dia io ilay famoronana nosimbaina, io ilay zavatra manontolo nosimbaina. Ary ny zavatra manontolo dia tononina hoe o-t-a, mipetraka eo mihitsy. Izany no mahatonga an'ilay fanontaniana ho tena lehibe.

¹⁶⁷ Sombiny anankiray fotsiny, tapa-javatra, nataon'olona, mba hamitahana azy; Andriamanitra no nanao an'izany, eto mihitsy no nanaporofo an'izany. Izany no nanaovana azy.

¹⁶⁸ Ny vehivavy anankiray ratsy fitondran-tena no zavatra ambany indrindra azo neverina, eto an-tany. Mamelà ahy amin'izany, ry ramatoa tanora. Tsy hafa afa-tsysty dabampakon'olombelona fotsiny ihany izy, fampirantiana taovampananahana anankiray. Izay ihany izy, ny vehivavy ratsy fitondran-tena iray, dia dabam-pakon'ny filàna ara-nofon'ny olombelona, fahasimbana, ka ny fahalotoana, ny loto, ny mahatsiravina, ny loto maharikoriko no mitoetra eo aminy. Ho an'ny inona no nanaovana azy ho toy izany? Ho an'ny famitahana. Ny fahotana rehetra izay nisy teto an-tany dia avy tamin'ny vehivavy iray.

¹⁶⁹ Ary mpanao fanadihadiana anankiray avy ao Chicago mihitsy, ny-ny vehivavy iray no nanoratra an'ity lahatsoratra ity, ny tafiky ny polisy; fa nikaroka izy ireo, tao Etazonia, ny tanàn-dehiben'i Etazonia, fa "Ny valo amby sivifolo isanjaton'ny heloka izay vita tamin'ny endrika rehetra, ao Etazonia, dia na misy vehivavy ao anatin'izany na ao ambadik'izany."

¹⁷⁰ Ankehitriny raha miteny an'izao rehetra izao aho, dia ny hitondra zavatra anankiray eto any amin'ny farany, mba hahafahanareo hahita hoe inona ilay olana.

¹⁷¹ Natao izy mba hamitaka, tahaka ny nataony tamin'i Adama tany amin'ny voalohany, niteny taminy fa mahafinaritra ilay voankazo, sy ny sisa, mba hamitaka azy sy hampanalavitra azy

tamin'ny Teny. Izany no fomba atao'n'ny fiangonana amin'izao andro izao, zavatra mitovy.

Fa avy eo, taorian'izany, dia lasa mpanapaka azy izy, mba hanapaka azy.

¹⁷² Ankehitriny fahasamihafana toy inona amin'izao andro izao, amin'izao andron'ny fiheverana izao. Raha tokony izy no hanapaka azy, dia izy indray no lasa andriamaniny. Azo antoka, izy no manapaka azy. Ankehitriny dia mety ho azonareo tsara hoe inona ilay novelesiko. Tamin'ny alàlan'ny hatsaran-tarehiny sy ny fitaovany ara-nofo, ny bikany izay nomen'i Satana azy, ilay vokatra notsoahina izay nataon'i Satana, dia nirahina hamitaka an'ireo zanak'Andriamanitra izy. Ary afaka misintona ny maro amin'izy ireo ho any amin'ny helo izy mihoatra noho ny fitaovana hafa rehetra izay ananan'i Satana. Tena marina izany.

¹⁷³ Miresaka an'ilay ratsy fitondran-tena aho ankehitriny, fa tsy ianareo anabavy. Hanome anareo ny toeranareo isika, ny toerana tsara, afaka minitra vitsy, ao amin'ity Tenin'Andriamanitra eto ity. Tao amin'ny drafitr'Andriamanitra izany hatrany amin'ny voalo—voalohany.

¹⁷⁴ Ankehitriny mba hanaovana an'io amin'izao andro izao, dia inona ilay andriamanitr'i Etazonia? Tadidinareo ve tato amin'ny tabernakla taona maro lasa izay, fa efa nitory an'izany aho? Ilay andriamanitr'izao andro moderina izao, jejo kely anankiray no nipetraka teo nanao lokon-tarehy, ary ny akanjony niakatra hatreo amin'ny lohaliny, sy ny sisa tahaka an'izany. Hoy aho hoe, “Indro ny andriamanitrareo!” Ary marina izany, eny amin'ny dokam-barotra rehetra izy, mitanjaka ny tapany. Eny an-dàlambe izy, mitovy ihany.

¹⁷⁵ Fitaovana anankiray an'i Satana izany, “hatrany amin'ny voalohany,” hoy Jesosy. Hitanareo? Hitantsika fa toy izany koa izy ankehitriny, ary “hatrany amin'ny voalohany,” ary izany no Resahany.

¹⁷⁶ Ankehitriny, ireo mpanompo sampy dia nanao azy ho andriamanitra iray fahiny, (efa fantatrareo ve izany?) andriamanibavy. Azo antoka izany. Nanao azy ho andriamanibavy izy ireo, fa nanao firaosana ara-nofo izy ireo tao amin'ny fivavahany. Nilaza izy ireo fa, “Izy no mpamorona. Tao amin'ny kibony no nitondrany ny voa sy namoronany.” Lainga izany. Mpamorona anankiray ihany no misy, Andriamanitra izany. Fa tadidinareo ve i Paoly tany? “Diana, an'i Efesosy,” sokitra iray avy amin'ny vato, nolazaina hoe, “ilay andriamanibavin'ny Lanitra, izay nalatsaka.” Tsy hitanareo ve hoe toy ny ahoana ny fivavahan'ny mpanompo sampy?

¹⁷⁷ Ary isika, tsy mahafantatra an'ilay izy, dia miverina avy hatrany amin'ny fivavahan'ny mpanompo sampy indray, amin'ny vehivavy, ilay famoronana ambany indrindra eto an-

tany, fivavahana amin'ny vehivavy! Hisintona ny lehilahy izy amin'ny fomba rehetra izay tiany. Ary tsy mahafantatra, fa io hatsaran-tarehy rehetra ivelany io, dia ny helo no ao anatin'y. Hoy Solomona hoe, "Ireo, ireo vavahadiny dia vavahadin'ny helo."

¹⁷⁸ Ankehitriny dia hitantsika mazava eto izay nolazain'i Jesosy ao amin'ny Apokalypsy, ny toko faha-2 ary ny andininy faha-15, ny amin'ny fampianaran'ny Nikolaita, ny fahatongavan'ilay fiangonana nanosika ny tenany hanalavitra ny Teny.

¹⁷⁹ Afaka mahita ihany koa isika eto, mazava, an'ireo fandaharana ratsy, tsy mendrika, maloto izay ananantsika amin'ny televiziona, an'ireo mpanjakavavin'ny filan'ny nofo an'i Hollywood. Isika dia afaka mahita an'ilay loton'ity tanàna ity, tahaka an'ireo ankizy, zazavavy kely ratsy izay mandeha mandroso-sy-miverina eny an-dàlambe eto, miaraka amin'ireo akanjo bitika kely, tery, miolanolana eo, nefo tena mangatsiaka hampivaingana azy ireo tanteraka ny andro. Tsy fantatr'izy ireo fa ny devoly no manao an'izany. Itoeran'ny fanahy ratsy anankiray izy ireo, nefo tsy fantany izany! Tsy mahita alika vavy anankiray manao an'izany ianareo, sa tsy izany? Tsy mahita vavy hafa anankiray manao an'izany ianareo, ary tsy misy lehilahy tsara hanantona azy, mihitsy koa.

¹⁸⁰ Hitanareo, azonareo ve ilay sary ankehitriny? Hampiditra zavatra anankiray isika afaka fotoana vitsy fotsiny, raha sitraky ny Tompo.

Ankehitriny dia hitanareo ireo Nikolaita, hitanareo ireo fampianarany.

¹⁸¹ Hitanareo ireo mpanjakavavin'nyadolantsento, izany no iantsoan'izy ireo azy, ireo mpitanjaka eny an-dàlambe. Taloha dia tany amin'ny fampisehoana ratsy anankiray any amin'ny sisiny no tsy maintsy mandeha, mba hijerena fitanjahana anankiray. Sokafy fotsiny ny masonareo, jereo eny an-dàlambe, izay ihany no tokony hataonareo ankehitriny. Ny zavatra rehetra dia fitanjahana anankiray. Azo antoka. Hanaovan'izy ireo inona izany? Mba hamitaka, haka fanahy, izany ihany no zavatra tokana azony ampiasana an'izany. Manao an'izany izy satria maloto izy. Manao an'izany izy satria izany no nanaovana azy. Tsy fantany fa izy dia fitaovana iray eo an-tànan'i Satana, ary dia izany izy.

¹⁸² Na dia any amin'ireo sekolintsika aza amin'izao andro izao, dia mampianatra ny firaisana ara-nofo izy ireo. Ilay tontolontsika lo an'ny fivavahana amin'ny vehivavy! Fantatro fa tsy te-hino an'izany izy ireo. Mitsangana dia mihiara karazana hira fiderana, sy ny sisa, amin'ny andro anankiray; ary miaraka amin'ireo vehivavy, mandehandeha, ny alina manontolo. Hitanareo? Eny àry. Nefo, eo imason'Andriamanitra,

ilay Teny, dia izy no ambany indrindra amin'ireo biby rehetra izay napetrak'Andriamanitra eto an-tany. Diniho.

¹⁸³ Izany no tsy amelan'Andriamanitra azy hampianatra ny Teniny. Marina izany. Timoty Voalohany 2:9-15, "Tsy avelako hampianatra ny vehivavy, na hanana fahefana." Hitanareo? Ary ny Korintiana Voalohany 14:34 ihany koa, "Aoka ny vehivavinareo hangina ao am-pianganana, fa tsy navela hiteny izy ireny, fa nodidiana hangina izy ireo; izany koa no lazain'ny Lalàna." Fa, amin'izao andro izao, dia inona no ataon'ny fiangonana? Manao azy ho pasitera izy ireo, evanelista, nefä ny Baiboly dia mandrara tanteraka an'izany. Ary hoy ny Baiboly hoe, "toy izany koa no lazain'ny Lalàna," manao an'ilay izy ao amin'ny fitohizana, ilay zavatra rehetra.

¹⁸⁴ Tahaka an'ilay Zanak'ondry, omaly hariva, ilay toerana tokana hivavahana, eo ambanin'ilay Ràn'ny Zanak'ondry nararaka. Izany ilay toerana tokana ankehitriny, ao amin'ny Kristy. Ny fomba tokana ataonareo dia ny miditra ao Aminy. Izany ilay toerana tokana hivavahana. Tahaka an'izany foana ilay izy. Ny toerana tokana hivavahana dia eo ambanin'ilay Rà nararaka.

¹⁸⁵ Noho izany dia hitantsika ankehitriny ilay sarin'izany misokatra amintsika. Eo no misy azy. Izany no tsy hamelan'Andriamanitra azy hampianatra, tsy hamelana azy hanao na inona na inona ao amin'ny fiangonana afa-tsy ny mipetraka tsara fotsiny miaraka amin'ny endrika misarona.

¹⁸⁶ Ankehitriny dia hitanareo ve hoe nahoana aho no niteny an'ireo zavatra sy nanao an'ireo zavatra izay nataoko, mahafantatra an'izao tao amin'ny foko, rahalahy, ranabavy? Fantatro, ranabavy, fa izaho dia...ianareo dia manana ny toeranareo (afaka fotoana vitsy monja), sy ilay toetra mahafinaritra izay azon'Andriamanitra volavolaina ao anatinareo. Fa miezaka fotsiny aho ny hiresaka amin'ilay ilany hafa, mba haneho hoe avy aiza tokoa moa ianareo, "tamin'ny voalohany." Jesosy no niteny tamintsika mba "hiverina any amin'ny voalohany," mba hahitana an'izany. Izany no ataontsika.

¹⁸⁷ Ankehitriny dia tsy maintsy nikendry an'ireo foto-kevitra lehibe aho teo amin'ny ankamaroan'ity, ary manantena aho fa azonareo ilay izy. Ary ianareo olona izay hihaino an'ity horonam-peo ity, dia antenaiko fa hahazo ianareo. Miverena fotsiny. Izany dia haneho fotsiny an'izay nolazain'i Jesosy hoe, "Miverena, hatrany amin'ny voalohany, dia jereo." Ny zavatra rehetra, dia miverena any amin'ny voalohany. Afaka hahita ianareo, amin'izao andro izao.

¹⁸⁸ Nahoana, ny olona, milaza izy ireo fa mpankahala vehivavy aho. Tena lavity ny Fahamarinana izany. Tsy mankahala aho. Miantso izy ireo hoe, "Mpankahala vehivavy!" Tsarovy,

niantso an'i Paoly ho mpankahala vehivavy izy ireo. Vehivavy mpitoriteny anankiray, vao tsy ela akory izay, no nanao hoe, "Oh, ianao dia tahaka an'i Paoly fahiny, ny zavatra rehetra tsy maintsy nataony dia ny manindrona anay vehivavy."

¹⁸⁹ Ny masin'Andriamanitra anankiray ve, izay navela hanoratra ny Baiboly, ny Testamenta Vaovao, dia handà ny Teniny? Hoy izy hoe, "Raha misy Anjely iray avy any An-danitra mampianatra anareo zavatra hafa ankoatran'ity izay nolazaiko ity, dia aoka ho voaozona Izy," mainka fa vehivavy mpitoriteny anankiray.

¹⁹⁰ Nilaza izy ireo fa mpankahala vehivavy i Elia. Tsy mpankahala vehivavy izy, ny tena vehivavy. Tsy tiany fotsiny ireo Jezebela.

¹⁹¹ Ary raha izany no izy, dia tsy maintsy ho toy izany koa Andriamanitra, satria Izy no Teny izay tonga tamin'ireo mpaminany. Noho izany dia tsy maintsy ho toy izany Andriamanitra, mitovy, noho izany, hitanareo, dia Fantany ilay famoronana tany am-boalohany, "hatrany amin'ny voalohany," hoy Izy, "hatrany amin'ny voalohany." Izy ireo no mpaminany izay nahatongavan'ny Teny.

¹⁹² Ary Nataony ho an'ny lehilahy izy, fa tsy ny lehilahy no ho azy. Efa fantatrareo ve izany, fa, "Ny vehivavy no natao ho an'ny lehilahy, fa tsy ny lehilahy no ho an'ny vehivavy"? Firy no mahafantatra an'izany? [Hoy ny fiangonana hoe, "Amena."—Mpand.] Ny Baiboly no mampianatra an'izany. Eny ary. Nomena toerana iray izy tao amin'ny lehilahy, talohan'ny fahalavoana, nitovy teo amin'ny fanapahana ny famoronana rehetra. Fa "taorian'ny" fahalavoana, ankehitriny dia hitondra an'ilay lohahevitra isika. Fa "taorian'ny" fahalavoana, dia izy no mpanapaka azy, tsy maintsy mangina izy amin'ny zavatra rehetra, ankehitriny rehefa vita ilay fanombohana voalohany.

¹⁹³ Hoy Jesosy hoe, "Tsy mba toy izany ny tany amin'ny voalohany." Izany dia rehefa nanomboka ny fotoana, rehefa nanao an'izany tao amin'ny Famoronany tany am-boalohany Andriamanitra. Izay rehetra mahazo, dia manaova "amena" indray. [Hoy ny fiangonana hoe, "Amena."—Mpand.] Tany amin'ny voalohany Andriamanitra dia namorona lahy iray sy vavy iray fotsiny. Fa avy eo dia natao hafa noho ny biby ny vehivavy, ny biby hafa rehetra, ho an'ny famitahana. Ankehitriny dia diniho ankehitriny, "Tsy mba toy izany ny tany amin'ny voalohany." Vita izy, raha nijanona tao amin'ilay toerana tany am-boalohany izy, dia tsy ho lavo mihitsy izy. Fa izy no nahatonga ny fahalavoana sy fampiatoana izay nanapaka an'ilay fitohizana manontolo an'Andriamanitra, ary nanaparitaka ny fahafatesana, ny alahelo, sy ny zavatra sisa rehetra, teto an-tany. Izany no nanaovana azy.

¹⁹⁴ Ankehitriny dia mariho ankehitriny “taorian’ny” tamin’ny voalohany, taorian’ny tamin’ny voalohany, taorian’ny nanombohan’ny fotoana; talohan’izany dia ny Mandrakizay, dia tapitra. Mariho, taorian’io fahalavoana nataon’i Eva io, taorian’ny fahalavoana, dia nilaina ny hanaovana fanekena hafa anankiray. Ankehitriny dia hahatafintohina anareo ity, fa homeko anareo ny Soratra mba hanaporofoana fa ity no Fahamarinana. Ankehitriny mariho ny taorian’ny fahalavoana, Jesosy no niteny... Andriamanitra, tany amin’ny voalohany, dia nanao anankiray isaky ny karazana; fa ankehitriny, taorian’ny fahalavoana, ankehitriny dia hohoatra an’izany isika. Ny fanekena dia fitoviana; saingy ankehitriny, taorian’ny fahalavoana, dia nisy fanekena iray hafa natao. Ankehitriny dia tsy manapaka miaraka aminy intsony izy, ny tsirairay dia tsy maintsy manana fanekena iray navahana.

¹⁹⁵ Ankehitriny dia ndao jerentsika raha marina izany. Ndao alaintsika ny Genesisy 3, dia ho hita raha marina ity, ankehitriny raha mandroso isika, satria te-hahazo antoka amin’ireo zavatra ireo isika, ampianarina izy ireo ary aseho marina tokoa. Fa mety manana fotoana kely mihitsy angamba isika eto, satria tsy dia lavitra loatra ny farany isika ankehitriny, ho tonga eo amin’ny ampanahan’ny famaranana an’ilay lohahevitra, mba haneho hoe *nahoana* ary *inona* ny mikasika ny fisaraham-panambadiana, sy ny sisa. Ankehitriny ao amin’ny Genesisy ny toko faha-3, ary hanomboka isika ankehitriny amin’ny faha-3, sy ny andininy faha-16. Ndao isika hanomboka amin’ny andininy faha-14.

Ary ny TOMPO...nanao tamin’ny menarana hoe, (ankehitriny hanozona azy Izzy), Satria ianao no—ianao no nanao an’izany, dia ianao no voaozona amin’ny biby fiompy rehetra,...amin’ny bibi-dia rehetra any an-tsaha; ary amin’ny kibonao ianao no handeha, ary ny vovoka no hohaninao amin’ny androm-piaiananao rehetra:

Ary hampifandrafesiko ianao sy ny vehivavy, ary ny taranakao sy ny taranaky ny vehivavy; ary izy hanorotoro ny lohanao, ary ianao dia hanorotoro ny ombelahi-tongony. (Ilay fampanantenana hoe, “tonga amin’ny alàlan’ny vehivavy,” ny Mesia, mba hanavotra.)

Hoy izy tamin’ny vehivavy,...

¹⁹⁶ Ankehitriny jereo, ankehitriny dia misy ny fanekena niaraka tamin’ilay menarana. Fa, nety tsara daholo izy ireo tany aloha, tany amin’ny voalohany, na talohan’ny tany amin’ny voalohany.

Hoy izy tamin’ny vehivavy, Hampitombo betsaka ny fahorianao aho sy ny fitondranao vohoka; ary amin’ny fahorianao ianao no hiteraka zanaka; ary ny fanirianao dia hiantehitra amin’ny vadinao, ary izy no hanapaka anao, (Tsy nitovy intsony mihitsy izy rehetra.)

¹⁹⁷ Ankehitriny dia nivadika mihitsy izy, ary izy no mpanapaka.

Ary hoy izy tamin'i Adama, Satria efa nihaino ny feon'ny vadinao ianao, ka nihinana avy tamin'ny hazo, izay nandidiako anao, hoe, Aza ihinananao... izany: dia ho voaozona ny tany (tsy Adama no voaozona, ankehitriny) ho voaozona ny tany noho izany; amin'ny fahorianana no hihinananao azy amin'ny androm-piaiananao rehetra;

Tsilo...sy songosongo no ho entiny ho anao; ary hihinana ny anana avy amin'ny saha ianao;

Ary amin'ny hatsembohan'ny tavaao no hihinananao ny haninao, mandra-pahatonga anao hiverina amin'ny tany; fa avy tamin'izany, avy tamin'izany no nanalana anao: fa vovoka ianao, ary hiverina amin'ny vovoka ianao.

¹⁹⁸ Fanekena anankiroa. Ankehitriny izany no mamarana “ny tany amin’ny voalohany,” izay nolazain’i Jesosy hoe, “Tsy mba toy izany ny tany amin’ny voalohany.” Manana fanekena anankiray hafa isika ankehitriny. Mariho, fa fanekena anankiray hafa izany. Ankehitriny dia misy fanekena iray ho an’ny vokatra, sy ny vokatra notsoahina. Mariho, ny fahalavoana no nitondra ny olana, ny fahafatesana, tamin’ny zava-boahary rehetra an’ny famoronana, nanao fahasamihafana iray tao amin’ny natiora rehetra. Ankehitriny dia ndao isika hanamarika an’izay nolazain’i Jesosy mikasika ny hoe, “tany amin’ny voalohany dia tsy mba toy izany.” Ankehitriny ilay izy dia tsy hoe “tamin’ny,” ilay izy dia “taorian’ny” tany amin’ny voalohany. Ankehitriny dia misy fanekena roa sosona.

¹⁹⁹ Ny voalohany dia fanekena iray fotsiny, nitovy i Adama sy Eva, lehilahy anankiray sy vehivavy anankiray. Ankehitriny nanota ilay vehivavy, ary (inona no ataony?) izany no nitondra azy ireo tao amin’ny fahafatesana, ary tsy maintsy nanao fanekena iray Andriamanitra noho izany, fanekena hafa anankiray. Eto mihitsy izany ato amin’ny Genesisy 3:16, nanao fanekena hafa anankiray Izy.

²⁰⁰ Ankehitriny dia tsy maintsy fenoina olona ny tany, tsy avy amin’ilay famoronan’Andriamanitra tany am-boalohany, tahaka ny tamin’ny voalohany, tsy amin’ny alàlan’ny famoronana tany am-boalohany, fa amin’ny alàlan’ny filàn’ny nofo. Ankehitriny dia izany no miandraikitra an’ilay “tany amin’ny voalohany,” sa tsy izany? Tamin’ny voalohany dia lehilahy anankiray sy vehivavy anankiray fotsiny ihany no nisy, lahy anankiray ary vavy anankiray; fa rehefa niampita an’ilay tsipika izy ka nitondra an’io fahotana io, ankehitriny dia tsy maintsy fenoina olona indray ny tany, amin’ny alàlan’ny taovam-pananahana, fa tsy amin’ny alàlan’ny famoronana; amin’ny alàlan’ny taovam-pananahana. Hitanareo ve no misy ny vehivavy ankehitriny,

ankehitriny? Fa izany no fomba naha-feno olona ny tany amin'izao andro izao, tamin'ny alàlan'ny vehivavy.

²⁰¹ Izany no antony tsy maintsy nahatongavan'i Jesosy tamin'ny alàlan'ny vehivavy, mba hitondra an'ilay izy hiverina any amin'ilay fanombohany tany am-boalohany indray, tsy misy filàn'ny nofo. Nateraky ny virijiny Izy. Fa, haleloia, ho avy ny fotoana iray izay tsy hisian'ny taovam-pananahana intsony, fa Andriamanitra no hiantso ny Zanany avy amin'ny vovoky ny tany, hiverina tahaka azy ireo tao amin'ilay tany am-boalohany, tsy amin'ny alàlan'ny vehivavy anankiray; fa amin'ny alàlan'ny famolavolana ny tanimanga sy ireo hazavana kosmika, ary ny solitany, no Hamoronany indray tahaka ny Nanaovany an'i Adama tany amin'ny voalohany. Jesosy no nanao an'izany ho azo atao, tamin'ny nanaovan'Andriamanitra ny Tenany ho Olona iray ka tonga teto amin'izao tontolo izao mba Hahafahany ho faty, tamin'ny alàlan'io vehivavy io. Ankehitriny no fotoana fitsapana, amin'ny alàlan'ny fahotana.

²⁰² Ankehitriny àry dia hitanareo, “taorian’ny” tany amin’ny voalohany, dia nisy zavatra anankiray hafa izay nampidirina. Ankehitriny dia hanaitra anareo ity. Reraka ve ianareo? [Hoy ny fiangonana hoe, “Tsia.”—Mpand.] Mipetraha tsara vetivety fotsiny.

²⁰³ Avy eo rehefa vita ilay fanekena roa sosona tamin'ny lehilahy sy vehivavy, tamin'ny alàlan'ny taovam-pananahana, fanekena iray hafa tanteraka (tsy ilay fanekena tany am-boalohany, fa fanekena hafa iray), ankehitriny dia inona no tafiditra? Fampirafesana, tao amin'ny rehetra. Avy eo, taorian'ny tany amin'ny voalohany, dia tafiditra ny fampirafesana tao amin'ny olona sy tao amin'ny biby; taorian'ny tany amin'ny voalohany, ilay fahalavoana. Andriamanitra ankehitriny, tamin'ny faharoa, dia nametraka famoronana vaovao anankiray indray, tamin'ny alàlan'ny taovam-pananahana. Namorona an'ilay voalohany Andriamanitra tsy nisy taovam-pananahana. Mino an'izany ve ianareo? [Hoy ny fiangonana hoe, “Amena.”—Mpand.] Ankehitriny dia fanekena hafa iray miaraka amin'ny natiora ilay izy, dia mametraka lamina vaovao ao anatin'izany Izy, amin'ny alàlan'ny taovam-pananahana. Fanekena faharoa: lahy anankiray, vehivavy maro; lahin-diera anankiray, andian-diera vavy iray manontolo. Marina ve izany? Ombilahy anankiray, antokom-biby fiompy iray manontolo, omby vavy; akoholahy anankiray, akohovavy eran'ny tokontany. Marina ve izany? Davida anankiray, araka ny Fony manokana, niaraka tamin'ny vady dimanjato; niaraka tamin'ny zaza zato naterany, isantaona, avy amin'ny vehivavy samihafa, lehilahy iray araka ny fon'Andriamanitra Manokana. Solomona anankiray, miaraka amin'ny vady arivo. Fa mariho ankehitriny, tsy mba toy izany ny tany amin'ny voalohany, fa ankehitriny izany dia “taorian’ny” tany amin'ny voalohany. Ny vehivavy no nanao an'izany, noho

izany izy dia lasa tahaka ny maha-izy azy ankehitriny fotsiny. Hitanareo?

²⁰⁴ Davida, ilay mpanjaka izay naneho an'i Kristy! Hazony ao an-tsainareo izany. Davida no naneho an'i Kristy. Mino an'izany ve ianareo? [Hoy ny fiangonana hoe, "Amena."—Mpand.] Kristy dia mipetraka...no hipetraka eo amin'ny seza fiandrianany. Ary ity Davida ity, lehilahy iray araka ny fon'Andriamanitra Manokana, dia nanana vady dimanjato. Hitanareo ve izay tiako ho lazaina? Davida niaraka tamin'ireo vadiny dimanjato, Solomona niaraka tamin'ny azy arivo. Ary i Solomona dia zanak'i Davida, ao amin'ilay ara-nofo; izay maneho an'i Jesosy Kristy, ilay Zanak'i Davida, ao amin'ilay ara-panahy. Fa izany no ara-nofo, fiainan'ny nofo. Ity dia tsy maintsy ho ara-panahy,noforonina. Nahoana? Noforonina. Hitanareo, izany ilay fomba izay nisy tany amin'ny voalohany, fa tsy ao amin'ity fiainana izay iainantsika ankehitriny ity izao.

²⁰⁵ Mariho, aza diso an'ity ankehitriny, ampidino ao amponareo izao rehetra izao. Fa tsy nisy na dia ny anankiray tamin'ireo vehivavy ireo mihitsy aza mba nahazo nanana vady mihoatra ny iray. Izy [lehilahy] no tao amin'ny famoronana tany am-boalohany, fa tsy izy [vehivavy.] Tsy nisy na dia ny anankiray tamin'ireo vehivavy ireo aza nahazo nanana vady mihoatra ny anankiray, fa io vady anankiray io dia nahazo nanana vady arivo. Izany no HOY NY TOMPO HOE. Izany no Baiboly. Ankehitriny niverina aho, naka ny fotoanako ary naneho taminareo ny tany aoriana tany izay nanombohan'izany, izay nolazain'i Jesosy. Ankehitriny dia hitanareo mazava ve ilay izy? Izy ireo dia afaka nanana maro....

²⁰⁶ "Oh," hoy ianareo hoe, "ho an'ny Isiraely fotsiny izany." Izany ve?

²⁰⁷ Rehefa nitondra an'i Saraha tany amin'ny firenen'ny Filistina i Abrahama, dia nisy mpanjaka iray tany nantsoina hoe Abimeleka. Ary zato taona i Saraha, nanakaiky an'izany, saingy novaina ho vehivavy tanora iray indray izy ary natao ho tsara tarehy. Fantatrareo ve izany? [Hoy ny fiangonana hoe, "Amena."—Mpand.] Eny àry. Ary nila azy ho vady i Abimeleka. Tsaroanareo ve ny Hafatro teo amin'izany? Te-haka an'i Saraha ho vady i Abimeleka. Mety efa nanana andiany iray izy, saingy tsy afaka naka azy izy raha efa nivady tamin'i Abrahama izy. Noho izany dia hoy i Abrahama tamin'i Saraha hoe, "Lazao fa ianao dia, 'anadahiko,' satria hamono ahy izy mba hahazoany anao." Nahoana no tsy noroahiny hiala tamin'ilay firenena fotsiny i Abrahama, dia nalainy ny vadiny ary nanohy? Tsy lalàna iray fotsiny ho an'ny mpino izany, fa ho an'ny olona rehetra tao amin'ny famoronana. Mpanota na masina iray, dia tompon'andraikitra ianareo, lehilahy, ny amin'ireo fanao ireo. Io ny mpanjaka mpanompo sampy iray. Firy no mahafantatra

fa marina izany tantara izany? [“Amena.”] Ny Baiboly izany, Genesisy, any amin’ny toko faha-16 any, heveriko.

²⁰⁸ Raha voamarikareo, haka azy ho vady i Abimeleka. Nanomana ny tenany hahazo an’io tovovavy Hebreo vaovao io izy. Ary hoy izy hoe, “Ity ny . . .” Hoy izy hoe, “Ity ny anadahiko.”

Hoy izy hoe, “Ity ny anabaviko.”

²⁰⁹ Ary hoy i Abimeleka hoe, “Haka azy ho vady fotsiny aho izany.” Azonareo eritreretina ve ny lehilahy iray hanao zavatra tahaka an’izany? Fa nataony izany.

²¹⁰ Ary avy eo tamin’io alina io, rehefa nandeha natory izy, dia niseho taminy tao amin’ny nofy ny Tompo, ary nanao hoe, “Ry Abimeleka, olona efa tena maty ianao.” Izy no niaro an’ilay, ilay loharanon’ny rà Jiosy teo, hitanareo. Hoy Izzy hoe, “Olona efa tena maty ianao. Naka vadin’ny lehilahy hafa ianao izay tadiavinao ho vadiana.”

²¹¹ Hoy izy hoe, “Tompo, fantatrao ny fahatsoran’ny foko.” Hoy izy, “Tsy izy ve no niteny tamiko fa io no ‘anadahiny’? Tsy izy mihtisy ve no niteny hoe, ‘Io ny anabaviko’?”

²¹² Hoy Izzy hoe, “Fantattro ny fahatsoran’ny fonao, ka izany no antony tsy Hamelako anao hanota Amiko.” Marina ve izany? Hoy Izzy, “Avereno ny vadiny, satria ilay lehilahy dia Mpaminaniko. Ary raha tsy averinao aminy ny vadiny. . . Ary aoka izy no hivavaka ho anao, fa tsy ny mpisoronao. Raha tsy mivavaka ho anao izy, dia ho ringana ny firenena manontolo.” Amen. Izany ilay fahasooavana mahagaga. Marina. “Ho ringana ny firenena manontolo. Io dia vadin’ilay lehilahy, ary izy dia Mpaminaniko.” Amen. Izany no HOY NY TOMPO HOE. Izany no Soratra. Marina.

²¹³ Ankehitriny dia hitantsika, fa tonga ny fahafatesana. Ny fahafatesana dia noho ny fahotan’ny vehivavy, tonga tamin’ny alàlan’ny vehivavy fa tsy ny lehilahy. Amin’ny alàlan’ny fomba niainany ny fiainany, ary amin’ny alàlany, no ahatongavan’ny fahafatesana rehetra. Ny fomba fanomezany aina dia fahafatesana. Firy no mahafantatra an’izany? Joba 14, raha tianareo ny handray naoty ny Soratra.

²¹⁴ Manana aho, raha manontany an’izany ianareo, dia manana Soratra voasoratra aho ho an’ny tsirairay amin’izany.

²¹⁵ Raha tianareo ny hamaky ny Joba 14 eo, hoy Izzy hoe, “Ny olona izay natera-behivavy dia vitsy andro, sady feno fahoriania.” Marina ve izany? “Mitsimoka toy ny voninkazo izy, jinjaina izy, ary mihelina,” sy ny sisa. Hitanareo? Ny olona rehetra izay natera-behivavy, dia teraka ao amin’ny fahafatesana vantany vao tonga izy.

²¹⁶ Fa rehefa teraka ao amin’ilay famoronan’Andriamanitra kosa izy, dia tsy mety maty izy; avy amin’ilay Hazo hafa izay

tao amin'ny sahan'i Edena izy, Kristy. Avy tamin'ilay Hazo ny Fiainana Mandrakizay.

²¹⁷ “Oh,” hoy ianareo hoe, “hazo ve izy?” Azo antoka. “Eny, hoy izy ireo, ‘Tsy haka avy amin’ity hazo ity ianao.’ Andriamanitra no niteny, any amin’ny Genesisy any hoe, ‘Tsy haka avy amin’ity hazo ity ianao.’”

²¹⁸ Nahoana, ny vehivavy ilay hazo. Izy ilay hazo fihinam-boa. Ianareo no voan’ny reninareo. Ny voan’ilay kibo dia ianareo. Marina izany. Avy eo ny voan’ilay Hazon’Aina, izay tao amin’ny sahan'i Edena, dia Kristy. Tamin’ny alàlan’ny vehivavy no nahatongavan’ny fahafatesana; tamin’ny alàlan’ny Lehilahy, tao amin'ilay famoronana tany am-boalohany, no nahatongavan’ny Fiainana. Ny teraka avy amin’ny vehivavy dia fahafatesana; ny teraka avy amin'i Kristy dia Fiainana. Azonareo ve ilay hevitra? Teo izany. Ankehitriny dia hitanareo izay nalehan'ilay andriamanibavy, sa tsy izany?

²¹⁹ Ilay Adama sy Eva voalohany no tandindon'ilay Adama sy Eva faharoa, hitanareo, ilay fampitomboana. Ankehitriny ilay fampitomboana avy tamin'i Adama sy Eva dia tamin'ny alàlan'ny taovam-pananahana, mba hamenoana ny tany, fa tsy mba toy izany ny tany amin'ny voalohany. Lahy iray sy vavy iray fotsiny no nataon'Andriamanitra, tahaka ny Nanaovany an'ireo Famoronany hafa, hitanareo, ara-dalàna, tahaka ny Fiangonana mihitsy.

²²⁰ Ankehitriny ndao isika, amin'ny fijerena an'ireo Fahamarinan'Andriamanitra voamarina, hikaroka lavidavitra kely, raha tianareo. [Hoy ny fiangonana hoe, “Amena.”—Mpand.] Eny àry. Ankehitriny dia mety handratra kely ity mandrapahatongantsika any amin'ny faran'ilay izy, fa haneho aminareo ny Fahamarinan'izany fotsiny aho.

²²¹ Tsy misy mpitoriteny izay mahazo manambady mpitondratena. Efa fantatrareo ve izany? Tianareo ve ny hamaky an'izany? Eny àry, raiso ao amin'ny Levitikosy, Levitikosy 21:7 sy Ezequia 44:22, dia Izany no haneho aminareo fa ny mpisorona dia tsy nahazo nanambady vehivavy iray izay efa nokasihan-dehilahy. Io tandindona io no an'ilay Ampakarina virijiny an'i Jesosy Kristy, satria izy ireo no mitondra ny Afon'Andriamanitra, ireo mpisorona no nanao an'izany, ireo zanak'i Arona. Tsy manana fotoana hamakiana Azy rehetra isika, raha hivoaka alohan'ny mitataovononana, mbola manana roapololo minitra isika. Ary ireo dia zanak'i Arona izay nitondra ny—ny—ny Afon'Andriamanitra, noho izany dia tsy nahazo nanambady vehivavy izay efa nokasihan-dehilahy hafa izy ireo. Ilay Andriamanitra tsy miova no niteny an'izany. Tsy nahazo nanambady vehivavy hafa izy ireo, ary vehivavy iray izay efa nokasihan-dehilahy, maneho ao amin'ny tandindona eto, raha tianareo ny hahita an'izany, fa ilay Fiangonan'Andriamanitra

velona dia tena madio, tsy mifangaro, ilay Tenin'Andriamanitra, ary tsy anaram-piagonana iray izay efa nentin'olona.

²²² Raiso naoty, ndao isika hamaky an'ity eto ity. Tiako ny hanome anareo an'ity. Matio 5, Jesosy eto dia miresaka ny amin'ny zavatra anankiray izay tena manan-danja tokoa. Tiantsika ny hahita an'izany, Matio 5. Izaho dia nanoratra teo amin'ny . . .

²²³ Nanisy marika zavatra maromaro izay ho lazaiko amin'ny lehilahy fotsiny aho, noho izany dia naka fotoana kely fotsiny hilazana an'ilay izy eo anatrehan'ireo anabavintsika. Fa tiako ny—ny hivoaka eto ankehitriny alohan'ny . . .

²²⁴ Ankehitriny, ranabavy, te-hametraka anareo eo amin'ny toerana izay nampanantenain'ny Tenin'Andriamanitra anareo aho, dia hahita ianareo amin'izay fotoana izay fa ianareo dia hijanona ao amin'izany toerana izany, ihany koa.

²²⁵ Matio 5:32. Tiako ianareo hahamarika eto, mba hanohanana an'ilay hevity ny hoe "anankiray" sy "maro." Matio, telopolo-. . . Heveriko fa izany dia ny Matio 5:32, 31 no hanombohana.

*Izao no voalaza, Na iza na iza no handroaka ny vadiny,
dia aoka izy hanome azy taratasy fisaoram-bady:*

²²⁶ Izany no tenin'i Jesosy, ilay Anankiray izay nanao hoe, "tany amin'ny voalohany." Ankehitriny diniho.

*Fa izaho koa milaza aminareo, Fa na iza na
iza mandroaka ny vadiny, afa-tsy . . . noho ny
fijangajangana, dia manao azy hijangajanga; . . .
(hitanareo) na iza na iza handroaka ny vadiny,
afa-tsy . . . noho ny fijangajangana, dia manao azy
hijangajanga: (nahoana? hanambady indray izy) ary
na iza na iza manambady an'izay nisara-panambadiana
dia nanao fijangajangana.*

²²⁷ Hitanareo, manana vady mbola velona izy, noho izany dia tsy misy lehilahy mahazo manambady azy. Na inona ataony ary na iza izy, raha manana vady mbola velona izy, dia tsy misy fototra ho azy mihitsy. Fa, izany dia tsy, ho azy [lehilahy]. "Manao azy," [vehivavy] fa tsy izy [lehilahy]. Azonareo ve izany? Tsy maintsy manao an'ilay Teny handeha ao amin'ny fitohizana ianareo. Hitanareo, tsy misy na inona na inona milaza hoe izy [lehilahy] no tsy nahazo, fa izy [vehivavy] no tsy mahazo. Hitanareo, "manao azy," [vehivavy] fa tsy izy [lehilahy]. Izany marina tokoa no lazain'ny Baiboly hoe, "manao azy" [vehivavy]. Tsy voalaza fa hoe izy [lehilahy] no tsy mahazo manambady indray, fa "izy" [vehivavy]. Nahoana? Kristy ao amin'ny tandindona.

²²⁸ Mariho, voalaza fa izy dia tsy mahazo manambady indray, raha tsy virijiny iray. Mahazo manambady indray izy. Mahazo izy, mahazo manambady indray izy raha virijiny ilay izy, fa

tsy mahazo manambady vadin'olon-kafa izy. Tsia tokoa. Raha manambady vehivavy iray nisara-panambadiana izy, dia miaina ao anatin'ny fijangajangana izy, tsy ahoako na iza izy. Hoy ny Baiboly hoe, "Na iza na iza manambady an'izay voaroaka, dia miaina ao anatin'ny fijangajangana." Eo ianareo izao, tsy ireo nisara-bady.

²²⁹ Hitanareo ve ilay tany am-boalohany eo, "tany amin'ny voalohany," ankehitriny? Manambady indray, ankehitriny mariho, izy [lehilahy] dia mahazo, fa izy [vehivavy] dia tsy mahazo. Tahaka an'i Davida, tahaka an'i Solomona, tahaka ny fitohizan'ny Baiboly manontolo, ankehitriny, mitovy amin'i Davida sy ny sisa rehetra amin'izy ireo.

²³⁰ Ankehitriny dia voamarikareo ao amin'ny Korintiana Voalohany 7:10, mariho, i Paoly dia mandidy an'ilay vehivavy izay, izay nisaraka tamin'ny vadiny, mba hitoetra irery na hifanaraka, fa tsy hanambady indray. Tsy maintsy mitoetra irery izy, na hifanaraka indray amin'ny vadiny. Tsy mahazo manambady indray izy. Tsy maintsy mitoetra irery izy, fa, mariho, tsy niresaka ny amin'ny lehilahy mihitsy izy. Hitanareo, tsy afaka mampandainga ny Teny ianareo. "Tany amin'ny voalohany," dia ny lalàn'ny firaisansana ara-nofo tamin'ny alàlan'ny fampirafesana. Ankehitriny, ny Tenin'Andriamanitra dia mandeha marina miaraka amin'ny natioran'Andriamanitra, mandeha ao amin'ny fitohizana.

²³¹ Hitanareo ve fa misy sekoly iray lasa any atsinanana, ary ny anankiray hafa lasa any andrefana, eo amin'ilay izy? Tsy maintsy miverina any amin'ilay Fahamarinana ianareo, mba hahitana hoe inona ilay izy.

²³² Toy izany foana ilay izy, izany ilay fanekena aradalàna miaraka amin'Andriamanitra tany amin'ny voalohany. *Voalohany*, talohan'ny tamin'ny voalohany, tany amin'ny voalohany dia nisy anankiray sy anankiray fotsiny. *Taorian'*ny nidiran'ny fahotana, tamin'izay fotoana izay dia nisy lehilahy anankiray sy andiam-behivavy iray; nanaraka an'izany ny tao amin'ny natiora, ny biby rehetra, ary ny olombelona sy nofo rehetra dia biby. Mpampinono isika, fantatsika izany, isika rehetra, hitanareo, ary izany rehetra izany dia natioran'Andriamanitra ao amin'ny fitohizana.

²³³ Fa ankehitriny satria nisokatra ireo Tombokase, dia ny Fanahin'ny Fahamarinana no mitarika antsika eo amin'ny Teny. Izany no manazava hoe nahoana ireo fahadisoana ireo no nidina nitety an'ireo taona, satria tsy mbola nisokatra ireo Tombokase, dia tsy mbola voambara Izao. Marina izany.

²³⁴ Mariho, ianareo, tsy afaka handiso an'ireo aloka ianareo. Tahaka ny nitoriako taminareo omaly hariva mikasika an'ilay aloka teo amin'ny gorodona, tsy maintsy mivoaka mihitsy ilay izy. Ahoana no hahafahan'ny aloky ny elefanta iray ho tonga

eo amin'ny gorodona, nef a lehilahy bitika kely, kaozatra no mivoaka mba ho elefanta, na ilay elefanta no ho lehilahy kely, kaozatra?

²³⁵ Ankehitriny raha handinika an'ilay izy ao amin'ny tandindona tanteraka ianareo.

²³⁶ Ankehitriny, dia misy ny vehivavy marina, lehilahy marina, virijiny, izay manambady ny vadiny, sy miaina, ary izy dia zavatra voatahy anankiray ho an'ilay lehilahy. Raha afaka nanome zavatra tsaratsara kokoa noho ny vady iray ho an'ny Zanany Andriamanitra, dia ho Nomeny azy izany.

²³⁷ Saingy voatendry ho fanao ara-nofo iray izy, ary tsy misy biby voatendry tahaka an'izany. Tsy nisy famoronana hafa teto an-tany voatendry tahaka an'izany. Izany no antony hahitanareo ny fampirafesana, noho io. Io no nampiditra an'izany.

²³⁸ Ankehitriny jereo, ao amin'ilay fandinhana farany, jereo, dia misy Jesosy Kristy anankiray (marina ve izany?), Lehilahy anankiray, Andriamanitra, Imanoela. Mino an'izany ve ianareo? [Hoy ny fiangonana hoe, "Amena."—Mpand.] Fa ny mambran'ny Vadiny kosa dia maro, hitanareo, an'alinaliny (marina ve izany?), ny Vadiny, ilay Ampakarina, ilay Fiangonana. Azonareo ve ankehitriny? ["Amena."]

²³⁹ Izany no Nilazany tamin'i Adama, talohan'ny nitsofohan'ny filan'ny nofo na nidirany hoe, "Mihabetsaha, mamenno ny tany," raha mbola tao amin'ny voalohany izy, raha mbola sady lahy izy no vavy tao amin'ny tenany. Eo, no maneho arak'izany fa ny Ampakarina dia tsy maintsy avy ao amin'ny Teny, amin'ny alalan'ny fampitomboana ara-panahy, fampitomboana, hitanareo, hameno ny tany.

²⁴⁰ Ankehitriny ao amin'ilay fanao ara-nofo, hitanareo, ireo sekoly dia nanafangaro an'ireo zavatra anankiroa ireo. Noho izany dia tsy afaka manao an'izany ianareo, tsy maintsy mitondra an'ilay izy miverina ao amin'ny Fahamarinan'izany ianareo, "tamin'ny voalohany."

²⁴¹ Ary any amin'ny farany dia hisy Tompo Jesosy anankiray, sy ny Vadiny maro, tokana. Azonareo ve izany? Nisy Davida anankiray teo ambonin'ny sez a fiandrianana anankiray, mpanjaka anankiray (araka ny fon'Andriamanitra Manokana) niaraka tamin'ny vady dimanjato. Jesosy mipetraka eo amin'ny Seza fiandrianany, haleloia, ao amin'ny Arivo taona, miaraka amin'ny Vady iray; tahaka ny nisy tany amin'ny voalohany, noforonina avy tamin'ny tany, tamin'ny alalan'ny tangan'Andriamanitra Tsitoha, tao amin'ny fitsangana, avy amin'ny mambra maro. Eo ianareo izao.

²⁴² Ry vehivavy, mitoloma mba ho izany, midira ao amin'i Kristy, amin'izay fotoana izay dia tsy ho ao anatin'io korontandoto eo io ianareo. Fa raha mbola mambram-piangonana iray foana fotsiny ianareo izay miezaka ny hiaina marina sy tsara,

amin'ny tenanareo, dia tsy ho vitanareo mihitsy izany. Na ny lehilahy aza dia tsy afaka mahavita an'izany ivelan'i Kristy. Tahaka ny nanohizan'i Paoly niteny hoe, "Fa ao amin'i Kristy izy ireo, tsy misy lahy na vavy." Iray izy rehetra.

²⁴³ Fa mba hanaovana an'ity *Fanambadiana Sy Fisaraham-panambadiana* ity hahitsy, mba hahafantaranareo hoe iza no marina ary iza no diso, ankehitriny dia Izzy no maneho mazava eto amin'ireto tandindona ireto. Misy Kristy anankiray; ary mambra maro an'ilay Vady. Mariho, afaka mandroaka antsika noho ny fijangajangana ara-panahy sy fampianarana sandoka Izzy, amin'ny fotoana rehetra izay Tiany; fa ahoana kosa no hahasahianareo handroaka Azy, sy hahavita an'izany? Ny lehilahy dia afaka mandroaka ny vadiny ary manambady anankiray hafa; fa ny vehivavy tsy afaka mandroaka ny vadiny ka manambady anankiray hafa. Hitanareo ve ireo aloka rehetra sy ny tandindona eo fa mitovy lanja tanteraka? Hitanareo ilay famoronana tany am-piandohana; tsy ilay vokatra notsoahina na aiza na aiza. Tsy ny fiangonana; ny Ampakarina amin'ny alàlan'ny Teny. Tsy ny vehivavy; ny lehilahy, foana. Izany no antony tsy nilazaran'izany na inona na inona mihitsy mikasika ny lehilahy izay manao an'izany; ny vehivavy foana ilay izy. Tena marina izany.

²⁴⁴ Fa afaka ny ho Ampakarin'i Kristy izy, amin'ny maha... Ary tsarovy, izy dia ampanhan'ny lehilahy, ny Baiboly dia nilaza fa izy dia fo... "Na izany aza dia tsy avelako hampianatra ny vehivavy, na banana fahefana, fa hangina. Fa i Adama no natao aloha, ary avy eo vao i Eva. Ary tsy i Adama no voafitaka, fa ilay vokatra notsoahina no voafitaka. Na izany aza dia hovonjena ihany izy *raha* manohy ao amin'ny fahamasinana sy fahononan-tena, sy ao amin'ny fiterahan-jaza, sy ny rehetra," satria amin'izany fotoana izany dia lasa ampanhan'io lehilahy io izy. Izany no nitondra...

²⁴⁵ Nahoana i Abrahama no tsy... Nahoana Andriamanitra no tsy namono an'i Saraha izay nipetraka teo mihitsy, nandà, ary nandainga teo anatrehan'Andriamanitra? Nipetraka teo toy ny Olona mety maty iray, nihinana nofo, nihinana mofo, nisotro ronono, ary hoy Izzy hoe, "Nahoana no nihomehy ao ambadika aoriania ao i Saraha," Taoriany, tao anaty trano-lay, Izzy tsy nahita azy mihitsy, "niteny an'izao hoe, 'Ahoana no hahatanteraka an'izany'?"

²⁴⁶ Hoy izy hoe, "Tsy niteny an'izany mihitsy aho!" Ah-oh, oadray, milaza an'Andriamanitra fa hoe mpandainga ve Izzy, teo Anatrehany? Fa tsy afaka naka azy Izzy. Nahoana? Ampahan'i Abrahama izy. Amena. Tsy afaka mandratra azy Izzy nefo tsy handratra an'i Abrahama.

²⁴⁷ Ankehitriny ianareo vehivavy dia mahita an'izay misy anareo. Hoy ny Baiboly hoe, "Ianareo vehivavy aoka ho tahaka

an'i Saraha, izay nampitafy ny tenany tamin'ny fitafiana maotina, niaina mahitsy sy marina ho an'ny vadiny, tia azy fatratra hany izy...izy dia niantso azy ho 'tompony,' mpanapaka, tompom-pananana.

²⁴⁸ Ary ianareo, ny sasany aminareo vehivavy, izay manao an'ireny akanjo ratsy ireny ka mivoaka eto mba hampiseho ny tenanareo eo anoloan'ny lehilahy. Hoy Jesosy hoe, "Na iza na iza mijery vehivavy ka mila azy dia efa nijangajanga taminy sahady tao am-pony." Noho izany dia iza no meloka, ilay lehilahy sa ianareo? Lahy izy, natao mba haka an'io fanao io, hitanareo; ary ianareo no vavy, izay tokony handà.

²⁴⁹ Ary nahoana ianareo no mampiseho ny tenanareo tahaka an'izany? Tsy ho an'ny fahazoan'aina izany, fantatrareo fa tsy mety ho izany, fa efa tena saiky maty mivaingan'ny hatsiaka mihitsy ianareo manao an'ireny sorta ireny. Hitanareo, tsy mety ho fahazoan'aina izany. Noho izany dia inona ilay izy? Ho an'ny loto izany! Tsy hanaiky an'izany ianareo, saingy ny Baiboly no miteny an'izany. Izany no Fahamarinana. Izany dia fanahy maloto iray izay ao anatinareo. Tsy tianareo ny haloto; saingy tsy fantatrareo, fa ara-panahy dia maloto ianareo, satria ianareo no mampiseho ny tenanareo ho maloto.

²⁵⁰ Ankehitriny, ny lehilahy, ireo lohaliny antitra, maloto, miforitra, ary na dia zara raha manao akanjo mihitsy aza izy, tsy hampisy fahasamihafana mihitsy izany, tsy maka fanahy ny vatany. Nahoana? Tao amin'ny famoronana tany am-boalohany izy, toetra; tsy maintsy izay, hitanareo. Fa, ianareo dia vokatra notsoahina, mba hakana fanahy.

²⁵¹ Andriamanitra, mamindrà fo! Oh, oadray, ity izao tontolo izao mpanota ity! Ho faly aho rehefa hifarana izany.

²⁵² Mariho, Izy dia afaka mandroaka ny Vadiny amin'ny fotoana rehetra izay Tiandy, fa izy [vehivavy] kosa dia tsy afaka mandroaka Azy; afaka manao ahy Izy, afaka manipy ahy ao amin'ny vovoka Izy amin'ny fotoana rehetra izay Hanapahany hevitra, fa, oh, rahalahy, tsaratsara ho ahy ny tsy hiezaka mihitsy hanipy Azy eo, ho vita ny amiko.

²⁵³ Solomona dia afaka nanambady izay vehivavy rehetra mbola tsy nanambady, afaka nanambady ny vehivavy rehetra izay tiandy izy. Ny mpisorona iray dia afaka nanambady vehivavy iray ihany izay virijiny. Solomona...

²⁵⁴ Tahaka an'i Davida, nanambady izy (iza no anarany?) Abigaila. Fa, nisy lehilahy iray nantsoina hoe "adala," nanana vady nahafinaritra anankiray izy, ary maty izy. Ary nanambady an'i Davida i Abigaila; mpanjaka iray izy, fa tsy mpisorona iray, hitanareo, noho izany izy—izy dia nanambady.

²⁵⁵ Fa ny mpisorona iray dia tsy nahazo nanao an'izany, satria izy dia ho nikasika na naka vehivavy iray ho vadiny izay efa vadin'ny lehilahy anankiray. Koa izany no maneho ny

maha-virijiny an'ilay Fianganan'i Jesosy Kristy Tompo, ilay Ampakarina dia tsy maintsy ho tsy mifangaro, ilay Teny, tsy misy Teny anankiray banga na aiza na aiza. Izany tokoa. Azonareo eritreretina ve ny ampakarina ara-dalàna anankiray, ny nono anankiray tsy ao, ary, ny anankiray hafa, zavatra ratsy anankiray, fantatrareo? Tsy ho Ampakarin'i Kristy izany. Tanteraka Izy. Izy dia ny Teny amin'ny zavatra rehetra, tsy misy Teny anankiray latsaka na aiza na aiza. Tsia.

²⁵⁶ Mariho, Izy dia afaka mandroaka azy, fa izy dia tsy afaka mandroaka Azy. Nataony izany, nopofoiny izany, tamin'ny andron'i Lotera, Wesley, ary ny Pentekosta, rehefa nandà ny ho lasa ny Ampahany betsaka izy ireo tamin'ny alàlan'ny firaisan'nynofon'ny ara-panahy mba ho lasa bevohoka tamin'ny ampahany betsaka an'ilay Teny. Azonareo ve? Nandà izy. Ny fianganana Loterana dia nandà ny hahazoan'i Kristy faniriana betsaka taminy; nandà an'izany i Lotera. Ary mamelà ahy hiteny an'izao, hiantso ahy ho zavatra anankiray izany na izany aza; tahaka an'izany amin'izao andro izao ho an'ny tsirairay avy amin'izy ireo, diso tamin'ny fandraisana an'ilay Teny izy ireo, nandà an'i Kristy izy ireo!

²⁵⁷ Ary ny vehivavy rehetra izay mandà ny vadiny hahazoany ny zanany, dia tsy manana zo ho vadiny. Amena. Tsaroanareo ve, ao amin'ny Baiboly, rehefa nanambady an'i Estera ilay mpanjaka? Satria nandà ilay mpanjakavavy, naka anankiray hafa ho azy izy. Ary rehefa ny... Inona no nitranga rehefa nandà ny hiseho miaraka amin'ilay mpanjaka izy ka hankato azy? Izany ilay zavatra mitovy amin'ny vehivavy iray izay mandà ny ho vady ho an'ny vadiny.

²⁵⁸ Ary toy izany koa ny amin'ny fianganana izay mandà ny ho lasa bevohoka ao amin'ilay taona izay iainantsika ankehitriny, mba hiteraka zaza ho an'ity taona ity. Tsy Loterana isika, tsy Wesley isika, tsy Pentekotista koa isika! Tokony ho zanak'izao taona izao isika, amin'ny alàlan'ny fitondrana vohoka avy amin'ny Tenin'Andriamanitra, mba hiteraka Zanaka iray an'ity taona ity, ilay Zanaka-Voa. Amena. Manantena aho fa mahazo ianareo. Tsy mety ho bevohoka, tsia, koa inona no Nataony? Noroahiny izy, tao amin'ny fisaoram-bady. Marina izany. Fa izy tsy sahy mandroaka Azy. Izy no nandroaka azy.

²⁵⁹ Nanohy nanambara ny Teniny tamin'ilay Vatana Izy, ary nanamarina Azy, tsy miova, tamin'ny alàlan'ny Tenany. Nanomboka ny hitovy betsaka Taminy ireo Zanany, satria tao amin'ny fahamatorany tanteraka Izany, na, lasa zanaky ny Teny izy ireo, fa tsy zanaky ny fianganana. Zanaky ny Teny! Ary ny Ampakarina dia ho Ramatoa kely anankiray mahate-ho tia an'ny Teny, tsy mifangaro, tsy voakasi-dehilahy tamin'ny alàlan'ny olon'ny rafi-pandaminana, foto-kevitra nataon'olona. Ho madio tsy mifangaro Izy, Ampakarin'ny Teny! Amena dia

amena! Antenaiko fa azonareo izany, ao amin'ny fihainoana. Ho zanakavavin'Andriamanitra bevohoka Izy.

²⁶⁰ Hitanareo ve hoe mety ho voninahitra lehibe iray toy ny inona ny vehivavy? Hitanareo ve hoe mety ho zavatra lehibe toy ny inona ny fiangonana, saingy hitanareo hoe aiza no itondran'ilay loto azy? Avy eo dia miezaka ny hampitaha an'ilay fiangonana etsy amin'ilay Fiangonana eto, tsy mahavita an'izany ianareo. Ary hiezaka ve ny hampitaha an'ilay lâlamben'ny mpivarotena amin'ilay Fiangonan'Andriamanitra velona; na ilay vehivavy, ilay vehivavy ara-dalâna, amin'ny mpivarotena iray?

²⁶¹ Nahoana no misy zavatra tahaka an'izany? Lalàn'Andriamanitra izany, ny lalàn'ny fifanoherana. Ahoana no hahafantarantsika hoe ahoana no hankasitrhana an'ilay hazavan'ny andro raha tsy nisy alina iray? Ahoana no hahafantarantsika hoe ahoana no hankasitrhana ny an'ilay andro maina raha tsy nisy orana? Ahoana no hahafantarantsika hankasitraka sy hanaja ny tena vehivavy anankiray, raha tsy nisy ny anankiray maloto?

²⁶² Nanohy avy hatrany nanambara an'Izany, nanambara ny Teniny, nefy ny anankiray amintsika dia ho sahy hiezaka handroaka Azy ka hanambady anankiray hafa.

²⁶³ Ankehitriny dia azo antoka fa mazava ny hoe nahoana ireo foto-kevitra ireo no diso. Tsy azonareo atao ny manao azy handeha amin'ity lâlana ity, ho vita ny aminy; manao azy handeha an'itsy, handalo fotsiny mihitsy amin'ilay teny fikasana izany. *Inty* no teny fikasana, inty eto ity mihitsy ilay zavatra. Ny Teny dia tsy mifanohitra. Tsy maintsy mijanona ao amin'ny fitohizana Izany ankehitriny, tahaka an'ny Matio 28:19 izay tsy mifanohitra amin'ny Asa 2:38.

²⁶⁴ Ankehitriny, ny sasany aminareo vehivavy, ny sasany aminareo lehilahy, izaho—izaho dia mahafantatra fa ianareo dia—ianareo dia tsy hanaiky an'Ity. Satria, fantatrareo, tsy afaka manafina an'izany ianareo izao ankehitriny izao. Tsy afaka ianareo.

²⁶⁵ Fa mamele ahy haneho zavatra anankiray aminareo fotsiny. Raha nilaza ny Matio 28:19 hoe, “Koa mandehana ianareo, ampianaro ny firenena rehetra, manao batisa azy amin'ny Anaran'ny Ray, sy ny Zanaka, ary ny Fanahy Masina,” ary avy eo dia mihodina izy ireo, ka ny olona rehetra izay natao batisa dia natao batisa nifanohitra tamin'izany, natao batisa tamin'ny Anaran'i Jesosy Kristy, nandritry ny taonan'ny Baiboly rehetra mihitsy aza ary nandritry ny telonjato taona taorian'ny taonan'ny Baiboly, hatreo amin'ny Fivoriamben'i Nise. Avy eo dia nanaiky dogma izy ireo teo amin'ny toerany. Inona ilay fahasamihafana, raha tsy voambara izany?

²⁶⁶ Ary fantatrareo ve fa ny Boky manontolo, ny Baiboly manontolo, dia fanambarana? Izany no tsy maintsy hahafantaranareo ny fahamarinana eo amin'ity anankiray ity sy ilay hafa, izany dia satria fanambarana Izany. Ary ny fanambarana dia tsy maintsy miaraka tanteraka amin'ny Teny, fa tsy mifanohitra amin'ny Teny. Hoy ianareo hoe, "Eny, izaho, efa voambara tamiko izany." Amin'izay fotoana izay raha mifanohitra amin'ny Teny ilay izy, dia tsy avy tamin'Andriamanitra mihitsy izany. Marina izany.

²⁶⁷ Ankehitriny raha tianareo ny haka an'ny Mat... Matio 16:18. Jesosy no nilaza, ny Tenany, fa ilay Fiagonana manontolo, ny Fiagonany, dia hiorina eo ambonin'ny fanambarana ara-panahin'ny Tenany, izay ny Teny. "Lazaiko aminao, fa ianao no Petera... Ary tsy ny nofo aman-drà mihitsy no nanambara an'izany taminao, fa ny Raiko izay any An-danitra no nanambara an'izany taminao. Ary eto ambonin'ity vatolampy ity..."

²⁶⁸ Ankehitriny, fantattro, fa ireo Katolika sakaizanay eo, dia hoy ianareo hoe, "Naorina teo ambonin'i Petera Izany, ary i Petera ilay apostoly, arak'izany, dia *Ranona-sy-ranona*, ao amin'ny fanekena apostolika iray, fifandimbiasana."

Hoy ireo Protestanta hoe, "Naorina teo ambonin'i Jesosy Kristy Izany."

²⁶⁹ Tsy hoe te-ho hafa, fa raiso fotsiny izay Nolazainy! Hoy Izzy hoe, "Tsy ny nofo aman-drà no nanambara an'izany taminao, fa ny Raiko izay any An-danitra no nanambara an'izany taminao. Ary eto ambonin'ity vatolampy ity" (fanambarana ara-panahy ny amin'ny hoe inona ny Teny) "no Hanorenako ny Fiagonako; ary ny vavahadin'ny helo tsy hahozongozona Azy mihitsy." Ny Vadiny dia tsy ho alain'ny lehilahy hafa fanahy. "Hanorenako ny Fiagonako, ary ny vavahadin'ny helo tsy afaka manozongozona Azy mihitsy."

²⁷⁰ Ary Abela sy Kaina, tao amin'ny sahan'i Edena. Nitondra ny fiheverany manokana i Kaina, hoy izy hoe, "Ankehitriny, jereo, Andriamanitra dia Andriamanitra tsara. Ambonin'ny natiora rehetra Izzy, noho izany dia halaiko ny tsaramaso sy ovy, ary halaiko ny—ny voninkazo, ary hanao alitara tena tsara tarehy ho Azy aho." Izany hoe fiangonana iray. Nandohalika izy. Nino an'Andriamanitra izy. Nanompo an'Andriamanitra izy, nanangana ny tànany, ary nanolotra an'io fanatitra io. Nanao ny zavatra ara-pivavahana rehetra izay nataon'i Abela izy.

²⁷¹ Nanorina alitara mitovy i Abela. Fa rehefa nitondra ny azy i Abela, dia ondry iray no nentiny. Ankehitriny, dia nieritreritra i Kaina fa, izy no nanao fanefitra iray ho an'ny ota, hoe ny rainy sy ny reniny dia tsy maintsy nihinana voankazo, araka ny nampianarina azy ireo tao amin'io saha io. Fa i Abela, tamin'ny alàlan'ny fanambarana avy amin'Andriamanitra, dia

nahafantatra fa ny rà no nanao an'ilay izy. Tamin'ny alàlan'ny fanambarana avy amin'Andriamanitra! Ary ny Baiboly no nilaza ao amin'ny Hebreo, ny toko faha-12, toko faha-11, hoe, "Abela, tamin'ny finoana," (fanambarana) "no nanolotra ho an'Andriamanitra ny fanatitra iray tsara kokoa noho i Kaina, tamin'ny alàlan'izany no nanambaran'Andriamanitra fa marina izy." Marina ve izany? [Hoy ny fiangonana hoe, "Amena."—Mpand.] Amen! Rahalahy, ranabavy, tena mazava araka ny tokony ho izy mihitsy izany, amiko. Io ilay zavatra manontolo.

²⁷² Ankehitriny eo amin'ny *Fanambadiana Sy Fisaraham-panambadiana*, hitanareo, tsy maintsy voambara izany. Mandrapahatongan'izany ho voambara, dia tsy fantatrareo izany. Fa nampanantena Izy amin'ny andro farany, ao amin'ity taona ity, fa ny zava-miafina nafenina rehetra ao amin'ny Baiboly dia ho voambara. Firy no mahafantatra an'izany? Apokalypy, ny toko faha-10! Jesosy no nampanantena an'izany, fa ireo zava-miafina nafenina rehetra ireo eo amin'ny—eo amin'ny *Fanambadiana Sy Fisaraham-panambadiana*, ireo zava-miafina hafa rehetra nafenina izay nisy ireo, dia ho voambara amin'ny andro farany. Ankehitriny tsaroinareo, hoy ilay Feo hoe, "Mandehana any Tucson." Tsaroanareo ve ilay Hazavana mahagaga teny amin'ny lanitra; ilay Anjely fahafito nitsangana tany; niverina, sy ny fanokafana an'ireo Tombokase Fito? Diniho hoe inona no niseho. Marina izany.

²⁷³ Ankehitriny lavidavitra kely fotsiny. Fa ankehitriny, henoinareo! Fantatro fa tonga ny ora handehananareo hisakafo, fa izaho dia mihinana tsara mihitsy. [Hoy ny fiangonana hoe, "Amena."—Mpand.]

²⁷⁴ Mariho, ankehitriny, manana ny toerany ny vehivavy, ary izy dia vatosoa iray. Solomona, io lehilahy izay nanana vady iray alina io...na nanana vady arivo, raha ny marina, dia nilaza izy hoe, "Ny lehilahy izay nahita vady iray, dia nahita zavatra tsara." Hoy izy hoe, "Ny vehivavy tsara dia vatosoa iray eo amin'ny satroboninahiny," izany hoe voninahitra iray. "Fa ny anankiray izay ratsy kosa dia rano ao amin'ny ràny," izany hoe ny ainy. Hoy izy hoe, "Mety misy lehilahy marina anankiray hita ao amin'ny arivo," Solomona no niteny an'izany, "fa," hoy izy, "ianareo dia tsy hahita vehivavy marina anankiray ao amin'ny arivo." Solomona no niteny an'izany, hitanareo. Ankehitriny mariho izany, fa izany ilay izy.

²⁷⁵ Fa, hitanareo, ry vehivavy, ianareo dia—ianareo dia vatosoa iray raha tianareo ny ho vatosoa, fa ilay faniriana dia tsy maintsy avy aminareo. Ary hitanareo hoe nahoana ny *Fanambadiana Sy Fisaraham-panambadiana* no izy, ilay notondroin'i Jesosy tany aoriana tany, izany dia satria ny karazanareo no anton'ny fahotana rehetra. Izany no antony nahatonga ny fampirafesana sy ny fisaraham-panambadiana, sy ny sisa, ho tafiditra.

Tamin'ny voalohany dia tsy mba toy izany mihitsy, ary tsy ho toy izany ao amin'ilay tontolo any ambony any.

²⁷⁶ Jereo i Jakoba, avy taminy no nihavian'ireo patriarka. Nanana vady roa ambin'ny folo izy fara-fahakeliny. Nanambady mpirahavavy anankiroa izy, ary nanana vadi-tsindrano ankoatr'izany, vehivavy tokantrano-maso izay niarahany niaina. Ary ireo patriarka ireo dia tena teraka avy tamin'ireo vehivavy vadim-tsindrano ireo. Marina ve izany? [Hoy ny fiangonana hoe, "Amena."—Mpand.] Hitanareo, tsy maintsy manao ny Teny hirindra ianareo.

²⁷⁷ Oh, manana pejy ny amin'izy ireo aho. Raha mpitondra fivavahana iray no mba hanontany ahy ny amin'izany, ka hihaona izahay, dia afaka hiresaka an'izany izahay. Fa azo antoka, raha manana ny ara-panahy manontolo izy, dia afaka hahita eto mihitsy fa izany no Fahamarinana. Tsy misy fanontaniana ny amin'Izany.

²⁷⁸ Ny vehivavy tsara iray dia zavatra tsara. Fantatro izany. Fantattro izany tamin'ny alalan'ireo tena vehivavy. Efa nihaona tamin'ireo vehivavy izay tena izy aho, tena misy toy ny lehilahy iray izay mamindra.

²⁷⁹ Vokatra notsoahina iray izy ary ampahany iray aminy, ary tao amin'ny fahalavoana dia nihaino azy izy. Izy fotsiny... Izy dia ampahany avy aminy. Fa, miankina aminy izany, natao izy mba hahafahany haloto, ary nomena azy ny zo handà na hanaiky. Izany dia mifanohitra amin'ilay natiora tany am-piandohana tany amin'ny voalohany, hitanareo, fa eo ianareo izao.

²⁸⁰ Ankehitriny dia amin'ny roa ambin'ny folo izao, noho izany dia hamela zavatra anankiray aho eto mandritry ny minitra vitsy. Te-hanontany zavatra anankiray aminareo aho.

²⁸¹ Ankehitriny, tsarovy, ho an'ny vondroko irery ihany no itenenako an'izao. Ary any amin'ny fihainoana, dia ho an'ireo mpanaraka ahy manokana no itenenako an'izao. Ity Hafatra ity dia ho azy ireo ihany, sy izay ho lazaiko eto.

²⁸² Ny mpitoriteny rehetra, izy, dia azy izany, hia, izy no mpiandry ny ondry, avelao izy hanao an'izay rehetra tiany hatao. Miankina aminy sy Andriamanitra izany. Ny pretra rehetra, ny mpititory teny rehetra, dia miankina aminareo izany, ry rahalahiko.

²⁸³ Miresaka eto Jeffersonville fotsiny aho, ny toerana tokana izay hiresahako an'izao, satria ondriko manokana ity. Ity no ondry izay nomen'ny Fanahy Masina ahy mba ho azo tandremana, ary hihazona ahy ho tompon'andraikitra amin'ity Izy. Ary ireto oloko ireto dia ireo niova fo avy amin'ny firenena eto, izay notarihiko teo amin'i Kristy. Ary, rankizy madinika, eto aho mba hanampy anareo, ary sakazanareo aho. Mety hieritreritra ianareo hoe manohitra anareo aho; miteny an'izao aho, hitanareo, ho an'ny soa ho anareo. Tiako ianareo. Ary raha

tsy izany, dia Andriamanitra no Mpitsarako. Fantatrareo fa tia anareo aho.

²⁸⁴ Zavatra tena matanjaka izao, tsy fantattro hoe ahoana no hitondrako an'izany. Inona no hataoko, nefà dia manana lehilahy sy vehivavy aho mipetraka eto amin'ny fiangonako, ka ny sasany amin'izy ireo dia efa nanambady indroa na intelo? Lehilahy tsara sy vehivavy tsara, misafotofoto tanteraka! Inona no nanao an'izany? Fampianarana sandoka, marina tokoa, tsy niandry ny Tompo.

²⁸⁵ “Izay nakamban’Andriamanitra, aoka tsy ho sarahin’olona.” Tsy hoe izay nakamban’olona; izay nakamban’ “Andriamanitra”! Rehefa nahazo fanambarana iray mivantana avy amin’Andriamanitra ianareo, dia izany no vadinareo, ary toy izany koa, anareo izany, amin’ny fiainanareo sisa. Hitanareo? Fa izay akamban’olona, dia azon’ny olona rehetra sarahina. Fa izay akamban’Andriamanitra, tsaratsara kokoa ho an’ny olona ny tsy hahasahy hikasika azy. “Na iza na iza akamban’Andriamanitra,” hoy Izy hoe, “aoka tsy ho sarahin’olona.” Tsy hoe izay nakamban’ny manam-pahefana mamo-tapaka anankiray na zavatra hafa, na mpitory teny niverin-dàlana anankiray niaraka tamin’ny andiana fanelekem-pinoana tao anaty boky iray, izay hamela azy ireo hanao ny zavatra rehetra eto amin’izao tontolo izao, kanefa ny Tenin’Andriamanitra dia mipetraka eo mihitsy. Hitanareo? Miresaka ny amin’izay nakamban’Andriamanitra aho.

²⁸⁶ Ankehitriny dia hiteny an’izao aminareo aho. Mitandrina tsara an’izay lazaiko aminareo aho. Tsy te-ho henjana aminareo vahoaka aho. Tsy te-ho henjana aminareo aho, ry pasitera rahalahiko. Tsy te-hanao an’izany aho. Fa tompon’andraikitra aho, mahafantatra fa izao dia nomena teo an-tànako. Ary raha... Tsy azoko hazonina Izany. Tsy haiko hoe ahoana no hizarana Azy, ary fantattro fa ho zaraina ity horonam-peo ity. Oh, oadray, ho vonona fotsiny aho, misokatra ny birao, satria ho avy izany. Hitanareo?

²⁸⁷ Tena tahaka ny teo amin’*Ny Taranaky Ny Menarana* mihitsy, fa tena voaporofa tanteraka ho marina izany. Manana an’ireo taratasy mihitsy aho eto, avy tao amin’ny gazety, misy an’ireo vehivavy izao ankehitriny izao...ary na dia ao amin’ilay—ao amin’ilay lehibe...Ny sasany amin’ireo diosezy lehibe dia manana an’ireo sary avy tao amin’ilay tany amboalohany, menarana iray mandady eo amin’ny ranjon’ny vehivavy iray, ary ao amin’ilay nihodidinany azy mihitsy; manana ny karazana fihetseham-po rehetra sy ny sisa izy, zavatra izay tsy hahafahan’ny lehilahy iray hikasika azy mihitsy miaraka, miaraka amin’io menarana goavana be mandrakotra azy manoddina io, sy ny sisa. Izany marina tokoa no fahamarinana. Ary izany dia hiha-ratsy sy hiha-ratsy, ary mbola

hiha-ratsy. Menarana, izay tsy . . . tsy afaka nanao firaисана aranofo taminy izy raha mbola menarana iray, fa tsarovy . . .

²⁸⁸ Nanaana ady hevitra iray aho indray andro niaraka tamin'ny . . . tsy ady hevitra, fa mpitoritenin'ny Assemblée de Dieu sy mpiara-miasa, nanao hoe, "Diso ianao, teo amin'Izany."

Hoy aho hoe, "Eny, izany angamba aho. Tiako ianao hiteny amiko."

²⁸⁹ Niteny izy tamin'izay, nandeha ary nanomboka niresaka mikasika an'ilay izy. Ny zavatra voalohany fantatrareo, dia very ny tenany. Ary ny zavatra tokana nolazainy, hoy izy hoe, "Rahalahy Branham, aiza io karazana io? Andriamanitra no niteny fa 'iray isaky ny karazany.' Ankehitriny dia aiza io karazana izay nolazainao fa teo anelanelan'ny olona sy ny biby io, izay tsy hitan'ny siansa ankehitriny? Aiza no misy azy?" Hoy izy, "Eto ambonin'ny tany ve izany? Rajako anankiray ve izany?"

²⁹⁰ "Tsia, satria ny ràn'ny rajako iray dia tsy hifangaro amin'ny vehivavy iray, tsy misy biby hafa hifangaro aminy. Tsia, tsy hisy izany, na ny tsirin'ain'ny lehilahy iray aza tsy hikambana amin'ny—amin'ny vavy. Tsy hahavita an'izany io."

²⁹¹ "Aiza àry io biby anankiray io? Ankehitriny, hoy Andriamanitra hoe, 'Aoka ny zavatra rehetra hamoa araka ny karazany avy.'

²⁹² Niandry iray minitra fotsiny aho. Ary ny halemen'ny Fanahy Masina no nanao hoe, "Lazao aminy, 'Eto Izany.'"

Ankehitriny, voalohany dia hoy aho hoe, "Eny, mety ho lasa hafa izany."

Hoy izy hoe, "Fa, Rahalahy Branham, izany, miresaka ny amin'ny Teny isika, sa tsy izany?"

²⁹³ Hoy aho hoe, "Eny, tompoko." Dia hoy aho hoe, "Izy ireo, mazava ho azy, dia milaza fa ireo zavatra hafa, toy ny dinozaoro sy—sy ragidro, sy ny sisa, ragidro, ragidro, raha ny marina, dia hafa izy ireo, sy ny sisa." Hoy aho hoe, "Mety ho izany izy ireo."

²⁹⁴ Hoy izy hoe, "Rahalahy Branham, miresaka ny amin'ny porofon'ny Teny isika. Raha eto ny fahotana; amin'izay fotoana izay, ny fahotana tany am-boalohany, dia tokony ho eto koa izany."

²⁹⁵ Dia hoy aho hoe, "Tompo Jesosy, Ianao no nanao hoe, 'Aza mieritreritra izay ho lazainareo rehefa tonga eo anatrehan'ny olona ianareeo, satria homena anareeo izany amin'izay ora izay.' Tompo, inona no ho lazaiko?" Hoy Izy hoe, "Lazao aminy hoe, 'Eto Izany.'" Tahaka ny ahitako an'ireo fahitana eo ambonin'ny lampihazo mihitsy.

²⁹⁶ Hoy aho hoe, "Eto izany," tsy nahafantatra hoe aiza.

Hoy izy hoe, "Aiza?"

Ary talohan'ny nieritreretako mihitsy aza, dia hoy Izy hoe,
“Ny menarana izany.”

²⁹⁷ Izany marina tokoa ilay izy, satria tsy biby intsony izy. Voaozona izy ary nandeha tamin’ny kibony tamin’ny androny sisà. Eto izy. Marina ve izany? [Hoy ny fiangonana hoe, “Amena.”—Mpand.] Ary mbola ao amin’io fanao izay nataony io, dia mbola misy foana ilay fahotana mitovy izay miasa eo amin’ny vehivavy iray, ohatra amin’ny taovam-pananahan’ny lahy tahaka an’izany. Io no mahatonga azy banana toetra jejo maso sy ny sisa, rehefa manana an’ireo fihetseham-pony izy mihoatra lavitra noho izay mety ho vitan’ny lehilahy.

²⁹⁸ Hijanona eo aho satria ao anatin’ny olona mifangaro isika. Haka an’ireo lehilahy sasany aho, izaho dia... hiresaka bebe kokoa mikasika an’izany. Manana an’ireo taratasy sy ny sisa aho mipetraka eto mihitsy, eto an-tànako mihitsy izao ankehitriny izao, ary nitondra an’izany ho anareo aho izao maraina izao. Naka andro iray manontolo aho tao amin’ity, saingy hamarana aho amin’ny filazana an’izao.

²⁹⁹ Ho an’ny fiangonako irery ihany izao. Tsy ny fiangonako... Ny ondry kely izay mino ahy sy manaraka ahy, dia ho azy ireo izao.

³⁰⁰ Indray andro, nahafantatra fa rehefa miteny zavatra aminareo aho, izany dia tsy maintsy HOY NY TOMPO HOE, noho izany dia nanana an’ireo Soratra aho araka ny Nanambaranay azy tamiko. Saingy, “Tompo Andriamanitra, inona no azoko lazaina amin’izao fiangonana izao? Hanana fisarahana aho. Ny lehilahy dia hipetraka eo an-davarangana ary any an-tokontany, ary na aiza na aiza, ‘Hilaozako ve izy?’ Ireo vehivavy, ‘Hilaozako ve ny vadiko?’ ‘Inona no hataoko?’” Hoy aho hoe, “Tompo, inona no azoko hatao?”

³⁰¹ Nisy zavatra niteny tamiko hoe, “Mandehana miakatra any an-tendrombohitra any, dia hiresaka amina Aho.”

³⁰² Ary rehefa teny an-tendrombohitra aho, tsy nahafantatra fa tany Tucson dia nahita an’Izany izy ireo. Fa na dia ireo mpampianatra aza dia niantso an’ireo ankizy avy tao... ny zanako vavy kely sy ireo hafa, avy tao amin’ny efiranontsekolys, ka nanao hoe, “Jereo iry amin’ny tendrombohitra iry! Misy Rahona mitarehin’afô mavo manganozano miakatra eny amin’ny habakabaka dia miverina midina, miakatra eny amin’ny habakabaka dia miverina midina.”

³⁰³ Rtoa. Evans, eto ve ianao? Ronnie, eto ianao? Niverina teo amin’ilay fivarotan-tsoliaka aho, ity tovolahy ity no teo akaikin’ilay tobin-tsoliaka, ilay tobin-tsoliaka an-dry Evans any. Ary talohan’ny nahafantarako an’izay holazain’ilay tovolahy, dia nandray ahy tamin’ny tongotro izy, hoy izy hoe, “Rahalahy Branham, tery amin’iry tendrombohitra iry ianao, sa tsy izany?”

³⁰⁴ Hoy aho hoe, “Inona no tianao lazaina, Ronnie? Tsia,” hitanareo, mba hahitana an’izay hataony. Matetika mihitsy dia misy zavatra mitranga, izaho tsy, tsy lazainareo amin’ny olona ilay izy. Izany dia lasa . . . Ny zavatra amin’izany dia, mahita zavatra betsaka mitranga ianareo, dia lasa mahazatra anareo izany. Hitanareo? Tsy miteny amin’ny olona fotsiny aho. Hoy aho hoe, “Ronnie, inona no . . .”

³⁰⁵ Hoy izy hoe, “Azoko aseho anao hoe tena taiza marina ianao.” Hoy izy, “Niantso an’i mama aho, ary nitsangana teto izahay ary nandinika an’ilay Rahona teny io, niakatra sy nidina. Hoy aho hoe, ‘Tsy maintsy i Rahalahy Branham io mipetraka any ho any io. Izany no Andriamanitra miresaka aminy.’”

³⁰⁶ Ary ny tanàna iray manontolo, ny olona, dia njery an’Izany. Tamin’ny andro mazava anankiray tsy nisy rahona mihitsy na taiza na taiza, niaraka tamin’io Rahona mavo manganohano nihantona teo io; nidina tahaka ny latonoara iray, ary niverina dia nivelatra.

³⁰⁷ Ry sakaiza, ary avy eo dia hamarana aho, afaka mandeha amin’izao ianareo. Izao dia tamin’ny nanambarana an’Ity tamiko, izay ho lazaiko aminareo izao ankehitriny izao, noho izany dia aza diso an’Izany.

³⁰⁸ Ankehitriny dia miresaka amin’ireo mpanaraka anay irery ihany aho, izay manaraka ahy sy ity Hafatra ity irery ihany, fa tsy ny any ivelany. Ataovy ho vavolombelon’izao aho eo anatrehan’Andriamanitra. Ho an’ity vondrona ity irery ihany!

³⁰⁹ Ankehitriny dia hita ao anatin’izao fisavorovoroana izao isika noho ny teolojia diso fandika. Marina ve izany? Izany no nahatonga anareo vehivavy nanambady indroa, sy ianareo lehilahy, noho ny teolojia diso fandika. Ankehitriny dia te-haneho zavatra anankiray aminareo aho izay Nolazainy tamiko.

³¹⁰ Ary raha Andriamanitra, ilay Mpanao antsika, no nametrahana fanontaniana rehefa teto an-tany teto Izy, Jesosy Kristy; ary rehefa tonga ilay Mpaminaniny mpanafaka, Mosesy, tany Egypta, mba hametraka azy ireo ao amin’ilay tany nampanantenaina; ary Jesosy eto no nilaza fa hitan’i Mosesy tao amin’io toerana io ny olona, ka nanaiky azy ireo hanao taratasy fisaoram-bady, satria toy izany ilay zava-misy. Teo amin’izany no nahitana an’i Mosesy, hoe, “Aoka izy hanome . . .” Andriamanitra no namela an’i Mosesy, ilay mpaminany izay naleha ho an’ny olona, hanaiky an’io taratasy fisaoram-bady io ho azy ireo.

³¹¹ Ary ny ao amin’ny Korintiana Voalohany, ny—ny toko faha-7, ny andininy faha-12 sy faha-15, ao amin’ilay mpaminanin’ny Testamenta Vaovao, Paoly, izay nifanena tamin’ilay zavatra mitovy tao amin’ny fiangonana, ka niteny an’izao hoe, “Izaho

izao, fa tsy ny Tompo.” Marina ve izany? Noho ny raharaha fisaraham-panambadiana.

³¹² “Tsy mba toy izany ny tany amin’ny voalohany.” Fa i Mosesy no namela an’izany, ary neken’Andriamanitra ho fahamarinana izany. Ary i Paoly koa dia nanana zo anankiray, rehefa hitany tao amin’izany toerana izany ny fiangonany.

³¹³ Ankehitriny minoa an’Izao ho marina ianareo, ary minoa an’Izany ho avy tamin’Andriamanitra! Ary amin’ny alàlan’ny fanamarinan’ny Rahony sy ny Hafany izay nitondra ahy hatreto, dia tsy hamela ahy hanao an’ilay zavatra mitovy ve Andriamanitra teo amin’ilay tendrombohitra, mba hamela anareo hanohy amin’ny lâlana izay misy anareo, ka tsy hanaovanareo an’izany intsony! Mandehana miaraka amin’ny vadinareo ary miaina am-piadanana, fa efa tara ny ora. Antomotra ny Fihavian’ny Tompo. Tsy manana fotoana handravana an’ireo zavatra ireo isika. Aoka ianareo tsy ho sahy hiezaka hanao an’izany indray! Miresaka amin’ny fiangonako irery ihany aho. Fa raha manambady ianareo... Ary Andriamanitra no vavolombeloko tamin’izany, teo amin’ny tendrombohitra, ka afaka nilaza an’Izao aho, fanambarana ivelan’ny voajanahary, noho ny fisokafan’ny Tombokase Fito, ary fanontaniana iray ao amin’ny Tenin’Andriamanitra ity. “Avelao izy ireo handeha arak’izay misy azy ireo, ary tsy hanota intsony!”

³¹⁴ “Tsy mba toy izany ny tany amin’ny voalohany.” Marina izany, tsy mba toy izany, ary tsy ho izany any amin’ny farany. Fa eo ambanin’ny toerana moderina, amin’ny mahampanompon’Andriamanitra... Tsy hiantso ny tenako ho Mpaminaniny aho; fa mino aho angamba, raha tsy nirahina ho an’izany aho, dia hametraka toerana iray ho azy aho rehefa ho avy izy. Noho izany eo ambanin’ireo toerana moderina, dia mandidy anareo aho handeha ho any antranonareo, miaraka amin’ny vadinareo ankehitriny. Raha sambatra ianareo miaraka aminy, dia miainà miaraka aminy, tezao amin’ny fananaran’Andriamanitra ny zanakareo. Fa enga anie Andriamanitra hamindra fo aminareo raha mbola hanao an’izany indray ianareo! Ampianaro ny zanakareo mba tsy hanao zavatra tahaka an’izany mihitsy, ento eo amin’ny fananaran’Andriamanitra izy ireo. Ary ankehitriny dia eo amin’izay misy anareo ianareo, dia ndao isika handeha ankehitriny, ao amin’ilay ora taran’ny hariva izay iainantsika, ary “hanatratra an’ilay mariky ny fiantsoana avy any ambony ao amin’i Kristy,” izay misy ny zavatra rehetra dia azo hatao.

³¹⁵ Mandra-pahitako anareo rahariva, dia hitahy anareo anie ny Tompo Andriamanitra, raha hivavaka isika.

³¹⁶ Tompo Andriamanitra, misaotra Anao izahay. Midera Anao izahay. Ianao no Jehovah lehibe tsy miova izay namela an’i

Mosesy. Mosesy, ilay mpanompo, ary inona no nolazainy tamin'ny olony? Ary, Andriamanitra, Ianao no namela azy hanome taratasy fisaoram-bady. Paoly, ilay apostoly lehibe izay mpanoratra ny Testamenta Vaovao, tahaka an'i Mosesy ho an'ilay Taloha. Mosesy no nanoratra ny Lalàna sy ny fitantanana ny lalàna. Maro tamin'ireo mpaminany, ny tenin'izy ireo dia natsofoka tao amin'Izany, saingy i Mosesy no nanoratra ny Lalàna. Ary Ianao no namela azy hanao taratasy, hanoratra taratasy fisaoram-bady ho azy ireo, noho ny hamafin'ny fony.

³¹⁷ Ilay Masindahy Paoly lehibe, izay mpanoratra ny Testamenta Vaovao, dia afaka nanao fanamafisana anankiray koa, hoe, "Miresaka arak'ireo zava-misy ireo aho; izaho, fa tsy ny Tompo."

³¹⁸ Mitovy amin'izany amin'izao andro izao, Tompo Andriamanitra, eo amin'ny faran'izao tontolo izao, raha eto izahay eo ambanin'ny famindram-pon'Andriamanitra, mahafantatra fa hamaly tsy ho ela eo amin'ny Fanatrehany izahay. Ary satria Ianao dia nanao zavatra betsaka, Tompo, dia azoko antoka, eto anatrehan'ireto olona ireto, fa hifikitra amin'Ity izy ireo toy ny hoe avy Aminaor Izany. Ary ho vavolombelona eto androany, amin'ny olona maro mipetraka eto izay nahita mihitsy aza an'ilay Famantarana teny amin'ny tendrombohitra, izay nisy an'ireo Anjelin'ny Tompo tonga tao anatin'ny tafio-drivotra, rehefa tonga tao amin'ireo Anjely fito izany, rehefa voaseho ilay fanambaran'ireo Zava-miafina Fito; ary io Anjely io ihany, tao amin'ilay toerana iray ihany, teo amin'ilay tendrombohitra iray ihany, ilay andro izay nanambarana an'Izao!

³¹⁹ Andriamanitra, mivavaka aho mba handeha hody ireto olona ireo ho feno fankasitrahaha fa Andriamanitra no namela an'izao fahasoavana izao ho azy ireo. Niteny an'Izany fotsiny aho, Tompo, tamin'ny alàlan'ny fanomezan-dàlana. Ary niteny an'Izany fotsiny aho tamin'ny alàlan'ny fanomezan-dàlana, Tompo. Ary aoka ny olona tena hankasitraka ka tsy hiezaka hanao an'io fahotana io intsony izy ireo! Ary enga anie izy ireo tsy hiezaka hanao fahotana iray intsony, fa ho tia Anao amin'ny fony rehetra. Tompo, ataovy ho sambatra ireto fianakaviana ireto, ary enga anie izy ireo hanalehibe sy hitaiza ny zanany ao amin'ny fananaran'Andriamanitra.

³²⁰ Fa, ny Hafatro izay tato am-poko dia voatory, Tompo. Nataoko izay rehetra fantattro hanaovana azy. Ary niady tamiko nandritry ny herinandro maro i Satana, sy ireo ora tamin'ny tsy fahitan-tory. Fa ankehitriny dia mandidy an'Izany aho, Tompo, ho an'ireto olona ireto, mba handinihany an'Izany, ka handeha sy hiaina ho Anao. Ekeo izany, Tompo. Niala teto an-tsoroko izany ankehitriny. Eo an-Tànanao izy ireo. Mivavaka aho mba Hitahianao azy ireo.

³²¹ Tahio ireto mosara ireto, Tompo, izay vao avy napetraka eto, ho an'ny marary sy ory. Enga anie ity hariva ity mba ho anankiray amin'ireo hariva lehibe indrindra, feno hery, ka ny olona rehetra dia ho sitrana. Ekeo izany, Tompo. Tahio izahay rehetra.

³²² Enga anie izahay handeha am-piadanana, sambatra, faly, satria ilay Andriamanity ny famoronana no naneho taminay ny “hatrany amin’ny voalohany,” sy namelatra taminay, tao anatin’ny fisavorovoroana izay nisy anay, ny Fahasoavany indray, ao amin’izao andro farany izao. O Andriamanitra Lehibe sy Mandrakizay, toy ny ahoana no isaoranay Anao ny amin’izany! Ary enga anie ny fonay ho sambatra, mba tsy hanananay faniriana hafa intsony hanota Amino. Amin’ny Anaran’i Jesosy. Amena.

Tiako Izy, (nahoana no tsy ho tia Azy ianareo?)
tiako Izy

Satria tia ahy mialoha Izy
Ka nividy ny famonjena ho ahy
Teo amin’ny an’i Kalvary . . .

³²³ Milaza an’izany aho ankehitriny mba hahazoan’ireo mpitoriteny. Ity dia ho an’ireo izay manaraka an’ity Hafatra ity irery ihany!

³²⁴ Oh, sambatra ve ianareo? [Hoy ny fiangonana hoe, “Amena.”—Mpand.] Niteny taminareo ny Fahamarinana aho, HOY NY TOMPO HOE, hatramin’ny farany! [“Amena!”]

³²⁵ Ankehitriny dia ndao isika hitsangana sy hanangana ny tānantsika, raha mihira an’izany indray isika hoe, “Tiako Izy.” Tiako Izy noho ny Fahasoavany. Tiako Izy noho ny Famindrampony. Tiako Izy noho ny Teniny. “Ary ny Tenin’ny Tompo dia tonga tamin’ireo mpaminany!”

Tiako Izy.

³²⁶ Avia, rahalahy [Niantso olona anankiray Rahalahy Branham ho avy sy handrava ny fiangonana—Mpand.]



FANAMBADIANA SY FISARAHAM-PANAMBADIANA MAG65-0221M
(Marriage And Divorce)

Ity Hafatr'i Rahalahy William Branham ity, izay notoriana tany amboalohany tamin'ny teny Anglisy ny Alahady maraina, 21 Febroary, 1965, tao amin'ny Parkview Junior High School ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2014 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org